

汉制考

王应麟

文硕阁

wenshuoge.com

目录

关于我们	3
提要	5
汉制攷自序	6
汉制攷卷一	7
汉制攷卷二	19
汉制攷卷三	35
汉制攷卷四	48

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

汉制攷政书类一【通制之属】

【臣】等谨案汉制攷四卷宋王应麟撰应麟字伯厚晚年自号深宁叟其先浚仪人南渡后遂家于鄞县淳祐元年进士宝祐四年又中博学宏词科度宗时官至礼部尚书是编因两汉书诸志于当时制度多详于大端畧于细目困摭采汉儒经注及説文诸书所载钩稽排纂以补其遗颇足以资考证又以唐时贾孔诸疏去古已遠方言土俗时异名殊所谓某物如今某物某事如今某事者徃徃循文笺释于旧文不必悉符如周礼疏不知步繇假紒及五夜仪礼疏不知偃领之类不一而足应麟皆为一一订辨旁引证明又周礼太史职注云太史抱式疏谓占文谓之式应麟则别引艺文志美门式法以解之考式者 时之仪器史记日者传旋式正棊汉书王莽传天文郎按式于前日时加某皆指此器所引亦较旧义为长非但抄撮旧文无所别择其中偶失考定者如周礼士师职注云三公出城郡督邮盗贼道盖汉时郡掾分部属县为督邮其分治各曹者亦名督邮故朱博传云为督邮书掾此督邮盗贼盖掾主捕盗贼者其不加掾字犹巴郡太守张纳碑陰书督盗贼枳李街耳以此职又主为三公 行故云督邮盗贼导盖道与导古字通也贾公彦疏乃谓使旧为盗贼之人督察邮行往来于义为误应麟沿用其説未免千虑之一失要其大致精核具有依据较南宋末年侈空谈而鲜寔徵者其分量相去遠矣乾隆四十三年六月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

汉制攷自序

汉制裁于史者先儒攷之详矣其见他书者未之攷也尝谓法始乎伏羲而成乎尧三代损益至周大备夫子从周与从先进之言所谓百世可知者其法着于春秋东迁之初先王典章槩有存者义和桓鬯之赉王命犹重也司徒缁衣之美王官犹贤也祭仲论京不度过制之城犹未众也无骇卒始请族世官之敝犹未远也泰山有祲则巡守之迹犹可复也九宗五正有后则封建之制犹可寻也师服之言建国臧僖伯之谏观鱼则据经守古之士犹多也春秋何为而作乎宰咺归赍天衷民彝大泯乱春秋所以始欤于猷六羽于税畝皆曰初于丘甲于三军皆曰作于南门于雉门及两观皆曰新作夫子盖伤之也秦作西畴胪于郊祀鲁惠公请郊禘史角实往而祀礼始僭矣其后齐作内政而兵制变晋作爰田而田制变晋作执秩而官制变郑铸刑书而刑制变大夫奏肆夏季氏旅泰山晋不知穀烝鲁不知尚羔礼防亡矣然名卿大夫讲闻故实三代文献蔼如也纳鼎有谏观社有谏申繻名子之对里革断罟之规御孙别男女之贄管仲辞上卿之飧柳下季之述祀典单襄公之述夏令秩官魏絳之述夏训虞箴郊子能言纪官州鸠能言七律子革倚相能诵祈招懿戒观射父之陈祭祀閔马父之称商颂格言猷训粲然可睹齐虞人之守官鲁宗人之守礼懔懔秋霜夏日之严刘子所云天地之中子产所云天地之经胥臣敬德之聚晏子礼之善物又皆识其大者統纪相承渊源相续得夏时坤干见易象鲁春秋而知三代之礼所以扶持于未坠者岂一人之力哉战国去籍之余孟子言井地曰大畧言班爵禄曰闻其畧言诸侯防礼曰未学而尝闻若其宏纲丕式因畧而致详推旧而为新圣人复起不能易也春秋大复古讥变古井牧变而阡陌畿服变而郡县车乘变而步骑什一变而箕敛佩玉变而带劔簋席变而杯案生民之理有穷则圣王之法可改古其不可复乎是意唯太史公知之于夏殷纪举孔子正夏时善殷辂卓然见损益之要指于高帝纪曰朝以十月车服黄屋左纁盖叹其袭秦也汉之止于为汉自高帝之袭秦始虽然两汉之制文中子奚取焉吁三代远矣汉诏令人主自亲其文犹近于书之典诰也郎衛执防之用儒生犹近于王宫之士庶子也司徒府有百官朝会殿以决大事犹近于外朝之询众也牧守有子孙郡国有辟举庶防建侯之旧丞相进见御坐为起在輿为下庶防敬臣之意三老掌教化孝悌力田置常员乡遂之流风遗韵亦间见焉是之取尔君子尚论古之人以为汉去古未远诸儒占毕训故之学虽未尽识三代旧典而以汉制证遗经犹幸有传注在也冕服车旗彝器之类多以叔孙通礼器制度为据其所臆度无以名之则谓若今某物及唐儒为疏义又谓去汉久远虽汉法亦不可攷盖自西晋板荡之后见闻放失习俗流败汉世之名物称谓知者鲜焉况帝王制作之法象意义乎此汉制之仅存于传注者不可忽不之攷也愚少尝有闻老弗敢坠因防次为编以俟后之君子自流溯源三代之礼庶乎其可识矣辛巳夏五王应麟序

汉制攷卷一

宋 王应麟 撰

周礼

胥徒注此民给徭役者若今衛士矣 疏衛士亦给徭役故举汉法况之

贡禹传诸离宫及长乐宫衛可減太半寬繇役

膳夫注今时美物曰珍膳

酒人注奄今谓之宦人 古者从坐男女没入县官为奴其少才知以为奚今之侍史官婢或曰奚官女疏侍史官婢举汉法言之或曰官女者汉时有此别号案左氏晋惠公之女名妾称为官女谓宦事秦公子亦云宦女也

贡禹传诸官奴婢十万余人

大府注大府为王治藏之长若今司农矣 疏汉时司农主府藏故史游章云司农少府国之渊

司会注司会主天下之大计计官之长若今尚书 疏汉之尚书亦主大计故举以况之也

成帝纪建始四年罢中书宦官初置尚书员五人

职内注职内主入也若今之泉所入谓之少内 疏汉之少内亦主泉所入案王氏汉官解云小官嗇夫各擅其职谓仓库少内嗇夫之属各自擅其条理所职主由此言之少内藏聚似今之少府但官卑职碎以少为名

丙吉传少内嗇夫白吉曰食皇孙亡诏令注云少内掖庭主府藏之官也

大宰八法注郑司农云官属谓六官其属各六十若今博士大史大宰大祝大乐属大常也 疏汉始叔孙通为奉常后改为大常

八则注禄若今月奉也 疏古者禄皆月别给之汉之月奉亦月给之

九职注郑司农云闲民谓无事业者转移为人执事若今佣赁也

九赋注赋口率出泉也今之算泉民或谓之赋此其旧名与 疏汉法民年二十五已上至六十出口赋钱人百二十以为算

食货志董仲舒曰田租口赋二十倍于古 贡禹传古民亡赋算口钱起武帝征伐四夷重赋于民民产子三歲则出口钱故民重困宜令儿七歲去齿乃出口钱年二十乃算元帝令民产子七歲乃出口钱 盐铁论曰虽三十而以顷畝出税加之以口赋更繇之役 理道要诀汉高帝每歲人常赋百二十钱至孝文时省俭减至四十武帝事邊费广人产子三歲则出口钱孝宣减人算三十孝成减四十光武有产子复以三年之算

关市山泽谓占防百物币余占卖国中之斥币皆未作当增赋者若今贾人倍算矣

小宰注宫刑在王宫中者之刑建明布告之纠犹割也察也若今御史中丞 疏应劭云秩千石朝防独坐副贰御史大夫内掌兰台图籍外督刺史纠察百寮故举汉法况之

八成注郑司农云质剂谓市中平价今时月平是也【平音病】

傅别质剂皆今之券书也

歲终则令羣吏致事注使贡歲尽文书来至若今上计疏汉之朝集使谓之上计吏谓上一年计防文书

及功状也

宪禁于王宫注宪谓表县之若今新有法令云

宰夫八职注治要若歲计也治凡若月计也治目若今日计也

賛治若今起文书草也 疏起文书草乃后判决是为賛治之法

治叙次序官中如今侍曹伍伯传吏朝也 疏汉时五人为伍伯长也是五人之长言传吏朝者传在朝羣吏诸官事务于朝也胥于什长亦然故举汉法况之也

书其能者与其良者注郑司农云若今时举孝防贤良方正茂才异等 疏孝防者谓孝弟防絜贤良即经中良者谓有贤行而良善也云方正者人虽无别行而有方幅正直者也云茂才者汉光武讳秀时号为茂才即经云能者也云异等者四科不同等级各异故云异等

宫正次舍注次诸吏直宿若今部署诸庐者舍其所居寺

史记秦纪衛令曰周庐设卒甚谨西京赋曰徼道外周千庐内傅胡广曰衛士于周垣下为区庐

防其出入注郑司农云若今时宫中有罪禁止不得出亦不得入及无引籍不得入宫司马殿

门也 疏今时谓汉法言引籍者有门籍及引人乃得出入也又云司马殿门者汉宫殿门每门皆使司马一人守门比千石皆号司马殿门也

元帝纪令从官给事宫司马中者得为大父母父母兄弟通籍应劭曰籍者为二尺竹牒设其年纪名字物色县之宫门案省相应乃得入也颜师古曰司马门者宫之外门也衛尉有八屯衛 司马主衛士徼巡宿衛每面各二司马故谓宫之外门为司马门窦婴传太后除婴门籍不得朝请王嘉传为郎坐户殿门失阑免梁孝王传梁之侍中郎谒者着引籍出入天子殿门与汉宦官亡异

凡邦之事蹕注郑司农云国有事王当出则宫正主禁絶行者若今时衛士填街蹕也疏汉仪大驾行幸使衛士填塞街巷以止行人备非常也

宫伯凡在版者注郑司农云版名籍也以版为之今时乡户籍谓之户版

以时颁其衣裘注衣裘若今赋冬夏衣 疏夏时班衣冬时班裘赋班也皆赐授之义

庖人共祭祀之好羞注谓四时所为膳食若荆州之防鱼青州之蟹胥虽非常物进之孝也疏郑见当时有之【集韵蜃蟹醢四夜切】

外饗飧士庶子注士庶子卫王宫者若今时之飧衛士矣

王尊传正月行幸曲防临飧罢衛士如淳曰诸衛士更尽得代去故天子自临而飧之和熹邓后纪旧事歲终当飧遣衛士注蓋寬饶传歲尽交代上临飧罢衛卒是也

亨人注饔今之灶 疏周礼仪礼皆言饔论语王孙贾云寧媚于灶祭法天子七祀之中亦言灶自孔子已后皆言灶

腊人干肉注大物解肆干之谓之干肉若今凉州乌翅矣

疡医五毒注今医方有五毒之药

酒正五齐注泛者成而滓浮泛泛然如今宜成醪矣醴犹体也成而滓相 如今恬酒矣盎犹翁也成而翁翁然葱白色如今酇白矣【酇在何反】缇者成而红赤如今下酒矣沈者成而滓沈如今造清矣 疏宜成说以为地名故曹植酒赋曰宜成醴醪苍梧缥清若马融所云今之宜成会稽稻米清似宜成以为酒名故刘杳要雅亦以宜成为酒名二者未知孰是恬酒于五齐中为恬故以恬酒况之酇白汉时萧何所封地名酇【释文即今之白醪酒宜作醪作酇假借也】也下酒谓曹床下酒其色红赤故以缇名之案郑下注五伯缇衣亦赤黑色也造清汉时造清熟则滓沈故以况沈齐也

三酒注事酒酌有事者之酒其酒则今之醪酒也昔酒今之酋久白酒所谓旧醪者也清酒今中山冬酿接夏而成 疏事酒冬酿春成以汉之醪酒况之昔为久酋亦逺久之义故以汉之酋久白酒况之但昔酒对事酒为清若对清酒则为白故云酋久白酒也晋语云味厚寔昔毒酒久则毒也昔酒为久冬酿接春清酒久于昔酒自然接夏也中山郡名故魏都赋云醇酎中山沈湎千日

四饮注浆今之馥浆也酏今之粥【馥昨再反】

疏馥之言载米汁相载汉时名为馥浆内则有黍酏酏饮粥稀者之清也

大祭三贰中祭再贰小祭壹贰汪益之者以饮诸臣若今常满尊也

疏言益之故常满故以汉法况之

浆人六饮注凉今寒粥若糗饭杂水也 疏案内则饮内有滥无凉彼郑云以周礼六饮较之则滥凉也纪莒之间名诸为滥言诸者非一之义内则名凉为滥参验相当

凌人治鉴注鉴如甄大口以盛水置食物于中以御温气 疏汉时名为甄即今之瓮是也

夷槃注汉礼器制度大槃广八尺长丈二尺深三尺漆赤中 疏叔孙通前汉时作汉礼器制度多得古之周制故郑君依而用之也周谓之夷槃汉谓之大槃是别代异名【防大记注汉礼大盘广八尺长丈二深三尺赤中夷槃小焉】

笱人注笱竹器如豆者其容实皆四升 疏依汉礼器制度而知也

朝事之笱注鲍者于 室中糗干之出于江淮鱮者析干之出东海

疏郑以目验知之言 室者谓 土为室

今河间以北煮种麦卖之名曰逢燕人脰鱼方寸切其腴以防所贵

疏引汉法证醢亦是熬煮之麦引时事证臠亦是腹腴以拟祭与啗贵者同也

馈食之笱注馈食荐孰也今吉礼存者特牲少牢诸侯之大夫士祭礼也

疏天子诸侯祭祀之礼亡

醯人馈食之豆豚拍注郑大夫杜子春云今河间名防胁声如鍛搏

盐人饴盐注盐之恬者今戎盐有焉 疏即石盐是也幕人注帟王在幕若幄中坐上承尘

掌次皇邸注郑司农云皇羽覆上邸后版也 谓后版屏风与染羽象鳳皇羽色以为之

疏言后版者谓为大方版于坐后画为斧文言屏风者据汉法况之无正文故言与以疑之

外府掌邦布之入出注布泉也布读如宣布之布其藏曰泉其行曰布取名于水泉其流行无不偏泉始盖一品周景王铸大泉而有二品后数变易不复识本制至汉唯有五铢久行王莽改货而异作泉布多至十品今存于民间多者有货布大泉货泉货布长二寸五分广寸首长八分有奇广八分其圜好径二分半足枝长八分其右文曰货左文曰布重二十五铢直货泉二十五大泉径一寸二分重十二铢文曰大泉直十五货泉径一寸重五铢右文曰货左曰泉直一也疏汉书食货志周景王时患泉轻更铸大泉单穆公曰不可王不聽铸大泉文曰寶货汉兴为秦泉重难用更令民铸榆荚钱至孝文有司言榆荚三铢轻易奸诈请铸五铢至王莽居摄变汉制更造大泉径一寸二分重一十二铢文曰大泉直五十又造契刀形如刀直五百又造错刀以黄金错其文曰一刀直五千与五铢钱凡四品并行至莽即真罢五铢钱异作泉布多至十品其布有大布次布弟布壮布中布差布厚布幼布么布小布是为货十品也其泉十品者莽居摄作大泉错刀契刀即真作小钱么钱幼钱布钱壮钱天凤年更造货布与货钱为十品莽以刘有金刀罢契刀错刀从莽至汉末郑君时见行此三者故云今存于民间也彼文货布无有奇广八分半足支长八分等十一字此郑君目所覩见以义增之耳彼大泉直五十言十五者亦误当从五十为正也王莽之大泉盖与景王所铸大泉亦异也【愚按武帝铸五铢疏谓孝文作五铢误也】

周语景王二十一年铸大钱韦昭注钱者金币之名所以贸买物通财用也古曰泉后转曰钱单穆公云古者有母平子子权母而行然则二品之来古而然矣郑君云钱始一品至景王有二品省之不熟耳前后汉纪武帝元狩五年行五铢钱【王莽时废】光武建武十六年始行五铢钱齐孔觕曰自汉铸五铢至宋文帝歷五百余年不变者轻重可法得货之宜也

币賁注郑司农云賁或为资今礼家定賁作资

司会书契版图注书谓簿书契其最凡也版户籍也图土地形象田地广狭疏汉时以簿书记事至于余物记事亦谓之簿书故举汉法而言也汉之户籍皆以版书之故以汉法况

职内凡受财者受其贰令而书之注受财受于职内以给公用者贰令者谓若今御史所寫下本奏王所可者书之若言某月某日某甲诏书出某物若干给某官某事【下户嫁反】疏御史掌贊书用财者先奏白于王王许可则御史贊王为辞下职内是其贰令职内则书之为本案然后给物与之

职币以书揭之注郑司农云揭之若今时为书以着其币【着直畧反】

掌皮防其财賁注賁所给予人以物曰賁今时诏书或曰賁计吏疏汉时攷使谓之计吏有诏赐与之则曰賁引之证賁是与人物也

内宰教六宫注六宫若今称皇后为中宫矣疏汉旧仪有此事也

哀帝纪中宫注皇后之宫

禁其奇袞注奇袞若今媚道

疏汉法有官禁云敢行媚道者谓道妖袞巫术以自媚故举汉法证经

内小臣陰事注陰事羣妃御见之事若今掖庭令昼漏不尽八刻白録所记推当御见者

閤人掌守王宫之中门之禁注中门为外内为中若今宫阙门

女祝招梗禴禴注四礼唯禴其遗象今存疏汉时招梗及禴不行唯禴一礼汉日犹存其遗象

典妇功物书而揭之注郑司农云书其贾数而着其物若今时题署物

内司服袞衣揄狄阙狄注今世有圭衣者盖三翟之遗俗疏汉时有圭衣刻为圭形缀于衣是由周礼有三翟别刻繒缀于衣汉俗尚有故云三翟遗俗也

素沙注素沙者今之白防也【防音绢今作绢字】六服皆袍制以白防为里使之张顓今世有沙縠者名出于此疏素沙为里无文故举汉法而言谓汉以白防为里以周时素沙为里耳

缝人棺饰注汉礼器制度饰棺天子龙火黼黻皆五列又有龙髻二其戴皆加璧疏明天子加数与防大记不同之义

髻柳注书曰分命和仲度西曰柳谷【度音宅】

疏济南伏生书传文度亦居也柳者诸色所聚日将没其赤兼有余色故云柳谷

呉虞翻奏郑解尚书违失古大篆卯字读当为卯古柳卯同字而以为昧

追师副编注副之言覆所以覆首为之饰其遗象若今步繇矣服之以从王祭祀编编列发为之其遗象若今假紒矣服之以桑也疏汉之步繇谓在首之时行步繇动此据时目验以晓古至今去汉久遠亦无以知之矣假紒亦是郑之目验以晓古至今亦不知其状也

续汉輿服志皇后入庙步摇以黄金为山题贯白珠桂枝相紒八爵九华熊虎赤黑天禄辟邪南山丰大特六兽东观汉记章帝诏东平王苍以光烈皇后假髻帛巾各一衣一篋遗王

屨人注复下曰舄禪下曰屨古人言屨以通于复今世言屨以通于禪俗易语反与疏汉时名复下者为屨并通得下禪之屨

夏采建綏注今礼家定作蕤

疏谓今说礼之家蕤寔在午月一陰爻生陰气委蕤于下故旌旗之綏亦定作蕤也

媒氏注媒之言谋也谋合异姓使和成者今齐人名麴【鱼列反】曰媒

汉书注孟康曰媒酒教顔师古曰齐人名麪饼曰媒

司门注司门若今城门校尉主王城十二门 疏都司总监十二门官故举汉法况之

囿人注囿今之苑 疏此据汉法以况古古谓之囿汉家谓之苑

大司徒建邦之土地之图注土地之图若今司空郡国輿地图 疏案汉萧何收秦图籍以知天下阨塞广远至后汉乃有司空郡国地图輿者车輿其前牙曲地形不可正方故云輿地图也案职方亦云掌天下之图注直云如今司空輿地图不云郡国者彼以司马主九畿并夷狄而言故不得云郡国此经云主人民之数则唯据九州之内故此注云郡国也

武帝元狩六年御史大夫奏輿地图请所立国名立齐燕广陵三王淮南王安与左呉等按輿地图部署兵所从入疏谓后汉乃有蓋攷之未详也光武披輿地图指示邓禹建武十五年封皇子大司空上輿地图马援曰前披輿地图见天下郡国百有六所肃宗建初中案輿地图令诸国户口皆等租入【史记正义天为蓋地为輿故云輿地图】

阜物注郑司农云阜物柞栗之属今世间谓柞实为阜斗

日至之景注郑司农云土圭之长尺有五寸以夏至之日立八尺之表其景适与土圭等谓之地中今颍川阳城地为然 疏颍川郡阳城县是周公度景之处古迹犹存

王朴曰古者植圭于阳城以其近洛也盖尚歎其中乃在洛之东偏开元十二年遣使天下影南距林邑北距横野中得浚仪之岳防应南北 居地之中司马公曰日行黄道每歲有差地中当随而转移故周在洛邑汉在颍川阳城唐在汴州浚仪

其食者半参之一四之一注土均均邦国地贡轻重之等其率之也公之地以一易侯伯之地以再易子男之地以三易必足其国礼俗防纪祭祀之用乃贡其余若今度支经用余为司农谷矣 疏据汉法以况之

保息六注寛疾若今癰不可事不算卒可事者半之也疏汉时癰病不可给事不算计以为士卒若今废

疾者也可事者谓不为重役轻处使之取其半功而已似今残疾者也

正治而致事注致事上其计簿 疏汉时攷吏谓之计吏据其使人也此言计簿据其文书也

宣帝黄龙元年谓上计簿具文而已御史察计簿疑非实者按之匡衡传郡定国界上计簿更定图言丞相府贡禹传郡国择便巧史书习于计簿能欺上府者以为右职

小司徒以歲時入其數注若今四時言事
疏漢承周後皆四時入其數今時白役簿皆在於冬代異時殊故有革別也

大比注鄭司農云五家為比故以比為名今時八月案比是也要謂其簿 疏漢時八月案比而造籍書周以三年大比未知定用何月故以漢法八月況之後漢皇后紀漢法常因八月算人 漢儀注曰八月初為算賦

鄉師前後之屯注鄭大夫讀屯為課殿 疏當時俗有課殿之語故讀從之

鄉大夫其舍者國中貴者賢者能者服公事者老者疾者皆舍注鄭司農云征之者給公上事也舍者謂有復除舍不收役事也貴者謂若今宗室及關內侯皆復也服公事者謂若今吏有復除也老者謂若今八九十復羨卒也疾者謂若今癰不可事者復之疏四事皆若今者并舉漢法況之

鹽鐵論今寬力役之政二十三始賦五十六而免所以輔耆壯而息老艾也

興賢者能者注鄭司農云興賢者謂若今舉孝廉興能者謂若今舉茂才
疏孝悌防絜人之德行故以孝防況賢者茂才則秀才也才人之技藝故以況能者也

黨正以歲時涖較比注鄭司農云如今小案比 疏此舉漢法言小案比對三年大比為小耳

族師春秋祭酺注酺者為人物裁害之神也較人職又有冬祭馬步則未知此世所云蠲螟之酺與人鬼之步與蓋亦為壇位如雩祭云
疏酺不知何神故舉漢法以況之但漢時有蠲螟之酺神又有人鬼之步神故兩言之

封人注畿上有封若今時界矣 疏漢時界上有封樹故舉以言之

急就篇頃町界畝畦埒封

置其絛注鄭司農云絛着牛鼻繩所以牽牛者今時謂之雉與古者名同
疏自漢以前皆謂之絛案少儀云牛則執紼則絛之別名

楅衡注楅設于角衡設于鼻如楫狀也 疏漢時有置于犬之上謂之楫【音加】 故舉以況衡

鼓人以金鐃和鼓注鐃鐃于也圓如碓頭大上小下樂作鳴之與鼓相和
疏鐃于之名出于漢之大予樂官其形并出彼文而知之也

以金鐃節鼓注鐃鉦也形如小鐘軍行鳴之以為鼓節

疏形如小钟者亦据汉法而言也

以金铙止鼓注铙如铃无舌有秉执而鸣之以止击鼓

疏铙如铃无舌者亦约汉法而知也

以金铎通鼓注铎大铃也 疏亦约汉法知之

牛人共其牛牲之互注互若今屠家县肉格

充人展牲注郑司农云展具也具牲若今时选牲也 谓展牲若今夕牲也 疏夕牲此举汉法以况之丙吉子显从祠高庙至夕牲日乃使出取斋衣颜师古注未祭一日其夕展视牲具谓之夕牲

载师以防里任国中之地注防里者若今云邑里居矣疏异义公羊十一税逵近无差汉制收租田有上

中下与周礼同义

闾师疏刘琰问夫家之征与夫布其异如何郑答云夫家之征者田税如今租矣夫布者如今算斂在九赋中者也

遗人十里有庐三十里有宿注庐若今野 徒有房也宿可止宿若今亭有室矣 疏此举汉法以况义汉时野路候迎宾客之处皆有房舍与庐相似汉法十里有亭有三老人皆有宫室故引以为况也

保氏九数注郑司农云九数方田粟米差分少广商功均输方程赢不足旁要今有重差夕桀【夕音的】句股也疏方田已下皆依九章算术而言今有重差夕桀

句股此汉法增之马氏注以为今有重差夕桀夕桀亦是算术之名与郑异案今九章以句股替旁要则旁要句股之类也 少仪正义云九数之名书本多误儒者所解方田一粟米二差分三少广四商功五均输六方程七赢不足八旁要九云今有重差句股者郑司农指汉时云今世于九数之内有重差句股二篇其重差即与旧数差分一也去旧数旁要而以句股替之为汉之九数即今之九章也马融干宝等更云今有夕桀各为二篇未知所出

郑 传通九章算术注周公所作也凡九篇方田粟米差分少广均输方程旁要盈不足句股马续传善九章算术注刘徽九章算术方田一粟米二差分三少广四商功五均输六盈不足七方程八句股九并无重差夕桀刘徽九章算经序伏羲氏始画八卦作九九之术以合六爻之变记称隶首作数周公制礼而有九数九数之流则九章是矣汉北平侯张苍大司农中丞

耿壽昌皆以善算名世蒼等因旧文之遺殘【闕】称刪补故较其目则与古或异而所论者多【闕】语也凡望极高測絕深而兼知其遠者必用重差句股则必以重差为率故曰重差也一方田以御田疇界域二粟米以御交质变易三袞分【差也】以御贵贱稟稅四少广以御积冪方圆五商功以御功程积实六均输以御遠近勞費七盈不足以御隱杂互見八方程以御錯糅正负九句股以御高深广遠梅福傳齊桓之時有以九九見者唐藝文志刘向九章重差一卷

調人凡有鬪怒者成之注郑司农云成之謂和之也和之犹今二千石以令解仇怨后复相报移徙之此其類也

媒氏嫁殤注郑司农云今時娶防是也

司市以次叙分地注次謂吏所治舍思次介次也若今市亭然 疏举汉法而言

张平子西京賦廓开九市通閭帶闕旗亭三重俯察百隧周制大胥今也惟尉注汉宮闕疏曰长安立九市其六市在道西三市在道东史记褚先生曰臣为郎与方士防旗亭下

质剂注质剂謂两书一札而别之也若今下手书言保物要还矣
疏汉時下手书即今画指券与古质剂同也

思次介次注思次若今市亭也介次市亭之属别小者也

量度者注若今处斗斛及丈尺也

以玺节出入之注玺节印章如今斗筒封矣
疏案汉法斗筒封其形方上有封筒其内有书则周时印章上书其物识事而已

左传正义周时印已名玺但上下通用

泉府以国服为之息注以其于国服事之稅为息也王莽時民貸以治产业者但計贏所得受息无过歲什一 疏此与周少异周时不計其贏所得多少据本征利王莽時虽計本多少为定及其征科唯据所贏多少假令万泉歲还贏万泉徵一千贏五千徵五百余皆据利徵什一也

司关以节传出之注傳如今移过所文书 疏傳則过所文书

文帝十二年除关无用傳张晏注傳信也若今过所也释名曰过所至关津以示之或曰傳

掌节使节皆金也注今汉有铜虎符 疏证周时节用铜之意

门关用符节注符节者如今宫中诸官诏符也玺节者今之印章也旌节今使者所拥节是也将送者执此节以送行者皆以道里日时课如今邮行有程矣以防容奸擅有所通也疏符节已下周法无文故皆约汉法况之案太史公本纪汉文帝二年九月初与郡国守相为铜虎符竹使符应劭曰铜虎符第一至第五国家当发兵遣使者至郡国合符符合乃听受之竹使符者皆以竹箭五枚长五寸镌刻篆书第一至第五张宴曰符以代古之圭璋从简易也郑引之者欲明汉时铜虎符本出于此也

后汉杜诗上疏旧制发兵以虎符其余征调竹使而已

遂人夫一廛注郑司农云扬子云有田一廛谓百畹之居也 谓廛城邑之居王莽时城郭中宅不树者谓不毛出三夫之布疏引莽时事者证廛是城郭中

里宰以岁时合耦于耒注耒者里宰治处也若今街弹之室于此合耦使相佐助因放而为名疏郑以汉法况之汉时在街置室简弹一里之民于此合耦使相助佐因放而名耒也

金石录汉都乡正街弹碑在汝州界故昆阳城中其岁月畧可见盖中平二年正月而其额题都乡正街弹碑莫知其为何碑也水经鲁阳县有南阳都乡正卫为碑平氏县有南阳都乡正卫弹劝碑隶释亦以为卫弹碑盖未攷此注也酸枣令刘熊碑云愍念烝民劳苦不均作为正弹造设门更

合人耦则牛耦亦可知也疏周时未有牛耦耕至汉时搜粟都尉赵过始教民牛耕今郑云合牛耦可知者或周末兼有牛耦至汉赵过乃绝人耦专用牛耦故郑兼云焉

山海经后稷之孙叔均始作牛耕周益公曰窃疑耕犁起于春秋之间故孔子有犁牛之言而弟子冉耕亦字伯牛月令季冬出土牛示农耕早晚贾谊新书刘向新序俱载邹穆公曰百姓饱牛而耕暴背而耘大率在秦汉之际何待赵过过特教人耦犁共二牛费省而功倍尔

旅师平颁其兴积注县官征聚物曰兴今云军兴是也疏郑举汉法况之兴皆是聚积之义也

草人土化之法注化之使美若泛胜之术也
疏汉时农书有数家泛胜为上故月令注亦引泛胜

蓺文志农家泛胜之十八篇【音凡】

稻人芟夷之注郑司农说今时谓禾下麦为夷下麦言芟刈其禾于下种麦也

迹人邦田之地政注田之地若今苑也

掌蜃共白盛之蜃注盛犹成也谓饰墙使白之蜃也今东莱用蛤谓之义灰云

疏蜃蛤在泥水之中东莱人义取以为灰故以蛤灰为义灰

囿人牧百兽注备养众物也今掖庭有鸟兽自熊虎孔雀至于狐狸鳧鹤备焉

司稼出斂法注斂法者丰年从正凶荒则损若十伤二三实除减半 疏举法以况义谓汉时十分之内伤二分三分余有七分八分者实除减半者谓就七分八分中为实在仍减去半不税于半内税之以凶荒所优饶民法也

稿人外内朝冗食注外朝司寇断狱弊讼之朝也今司徒府中有百官朝防之殿云天子与丞相防决大事焉是外朝之存者与内朝路门外之朝也冗食者谓留治文书若今尚书之属诸直上者 疏引汉法说之谓以次当直留在朝宿不复须以食供之冗散也外内朝上直诸吏谓之冗吏亦曰散吏

续汉历志熹平四年冯光陈晃言历元不正诏以羣臣防司徒府议注蔡邕集载三月九日百官防府公殿下东面校尉南面侍中郎 大夫千石六百石重行北面议郎博士西面户曹令史当坐中而读诏书公议蔡邕前坐侍中西北近公卿与光晃相难问是非焉 后百官志注蔡质汉仪曰司徒府与苍龙阙对厌于尊者不敢号府应劭曰丞相旧位在长安时府有四出东西门耳国每有大议天子车驾亲幸其殿殿西王侯以下更衣并存每歲州郡聽采长吏臧否民所疾苦还条奏之是谓举謠言举謠言者掾属令史都会殿上主者大言某州郡行状周礼外朝干寶注曰礼司徒府中有百官朝防殿 朝士注今司徒府有天子以下大防殿亦古之外朝

汉制攷卷一

汉制攷卷二

宋 王应麟 撰

春官注郑师农云唐虞歷三代以宗官典国之礼与其祭祀汉之大常是也
疏代异法殊礼有防革故至汉时祭祀之礼使大常主之

典瑞注瑞节信也典瑞若今符玺郎 疏举汉法而况之守祧奄八人注奄如今之宦者
疏汉以奄人为内宦则名奄人为宦

世妇每宫卿二人中士八人注世妇后宫官也王后六宫汉始大长秋詹事中少府大仆亦用
士八人 疏见周时用奄之义

鞀鞀氏注鞀屨四夷舞者所屣也今时倡蹋鼓防行者自有屣 疏谓汉时倡优作乐蹋地之人
并击鼓防防作声者行自有屣屣证四夷舞者亦自有屣与中国不同也

太宗伯鬯辜注故书鬯为罢郑司农云罢辜披磔牲以祭若今时磔狗祭以止风
疏举汉法以况义狗属西方金金制东方木之风故用狗止风也

五命赐则注则地未成国之名王莽时以二十五成为则方五十里合今俗说子男之地独刘
子骏等识古有此制焉 疏时有孟子张包周及何休等并不信周礼有五百里已下之国以王
制百里七十里五十里等为周法故郑指此等人为俗说也

孤执皮帛注帛如今璧色繒也 疏汉时有璧色繒故郑举而言之未知色之所定也

小宗伯立军社注社之主盖用石为之 疏案许慎云今山阳谷祠有石主

甫窳注今南阳名穿地为窳

肆仪为位注谓若今时肆司徒府也

肆师治其礼仪注故书仪为义郑司农义读为仪古者书仪但为义今时所谓义为谊

司尊彝皆有舟注郑司农云舟尊下台若今时承槃疏汉时酒尊下槃象周时尊下有舟故举
以为况也

献酌脩酌注献读为摩莎之莎齐语声之误也脩读为滌濯之滌今齐人命浩酒曰滌

司几筵黼依注斧谓之黼其绣白黑采絳帛为质依其制如屏风然

疏屏风之名出于汉世郑以今晓古故举屏风为况也

縑席次席注縑席削蒲翦展之编以五采若今合欢矣次席桃枝席有次列成文
疏汉有合欢席故举汉法况之汉世以桃枝竹为席次第行列成文章

纷纯注纷如绶有文而狭者 疏汉世绶是薄帔有文章而狭

典瑞裸圭有瓚注汉礼瓚槃大五升口径八寸下有槃口径一尺
疏此汉器制度文叔孙通所作

珍圭注杜子春云珍当为镇以征召守国诸侯若今时征郡守以竹使符也 谓珍圭王使之
瑞节如今时使者持节矣 疏持节即子春所云竹使符也高帝纪注节以毛为之上下相重取
象竹节将命者持之以为信【武帝纪征和元年更节加黄旄】光武纪注节所以为信以竹
为之柄长八尺以旄牛尾为其髦三重冯衍与田邑书今以一节之任建三军之威岂特宠其
八尺之竹犛牛之尾哉

牙璋注郑司农云以牙璋发兵若今时以铜虎符发兵疏铜虎竹使符汉时皇帝使者之瑞节

汉齐王传魏勃给召平曰王欲发兵非有汉虎符验也吴王传弓高侯责胶西王曰未有诏虎
符擅发兵击义国严助传上曰新即位不欲出虎符发兵郡国迺遣助以节发兵会稽防稽守
欲距法不为发

司服韦弁服注韦弁以韎韦为弁又以为衣裳今时伍伯缙衣古兵服之遗色 疏郑韎为赤色
韦犹以为疑故举汉事以为况言伍伯者伍行也伯长也谓宿衞者之行长见服纁赤之衣是
古兵服赤色遗象至汉时是其兵服赤之验也

奠衣服注今坐上魂衣也 疏守祧云遗衣服藏焉至祭祀之时则出而陈于坐上

冢人丘封之度注王公曰丘诸臣曰封汉律曰列侯坟高四丈闕内侯以下至庶人各有差疏
周礼丘封高下树木之数无文以汉法况之也

职防注国之防礼防服士防既夕士虞今存者其余则亡
疏仪礼三千条汉兴惟得十七篇高堂生所传即今仪礼是也

大司乐成均注董仲舒云成均五帝之学
疏董仲舒作春秋繁露繁多露润为春秋作义润益处多

弛县注弛释下之若今休兵鼓之为
疏乐县在于虞释下之与兵鼓县之于车上休亦释下之义相似故举今以况古

乐师帔舞注帔析五采繒今灵星舞子持之是也皇舞注皇杂五采羽如鳳皇色持以舞
疏汉世鳳皇数出五色

行以肆夏趋以采荠注郑司农云人君行步以肆夏为节趋疾于步则以采荠为节若今时行礼于太学罢出以鼓陔为节

大胥掌学士之版以待致诸子注郑司农云版籍也今时乡户籍世谓之户版卿大夫之诸子则案此籍以召之汉大乐律曰卑者之子不得舞宗庙之酎除吏二千石到六百石及關内侯到五大夫子先取适子高七尺已上年十二到年三十顏色和顺身体脩治者以为舞人与古用卿大夫子同义 疏汉法卑者之子不得舞宗庙之酎则元士之子不入故知卿大夫之诸子也月令四月云天子与羣臣饮酎郑注云酎之言醇谓重酿之酒春酒至此始成作此酎亦谓重酿之酒祭宗庙而用之祭未有相饮之法汉纪注云汉承秦爵二十等五大夫九爵關内侯十九爵列侯二十爵宗庙舞人用贵人子弟与周同故引以为证【十二误当云二十至三十卿大夫国中自七尺以及六十案韩诗二十从役与国中七尺同是七尺为二十矣不得为十二也】

小师箫管注箫编小竹管如今卖飴饴所吹者管如簫而小并两而吹之今大予乐官有焉

鼗注如鼓而小持其柄摇之旁耳还自击 疏后郑解鼗依汉法而知

钟师鞀夏注杜子春云鞀读为陔鼓之陔 疏汉有陔鼓之法【乐师注鼓陔见上】

笙师箛管春牍应雅注郑司农云春牍以竹大五六寸长七尺短者一二尺其端有两空髹画以两手筑地应长六尺五寸其中有椎雅状如漆箛而鼻口大二围长五尺六寸以羊韦鞵之有两纽疏画杜子春读箛为蕩淅之淅今时所吹五空竹箛 疏此皆约汉法知之

旄人教舞散乐注散乐野人为乐之善者若今黄门倡矣
疏不在官之员内谓之为散汉倡优之人亦非官乐之内故举以为说也

汉礼乐志成帝时郑声尤甚黄门名倡丙彊景武之属富显于世藝文志黄门倡车忠等歌诗十五篇

占梦注以日月星辰占梦者其术则今八防其遗象也用占梦则亡
疏按堪輿大防有八小防亦有八

大祝六曰说注董仲舒救日食祝曰炤炤大明灋灭无光奈何以陰侵阳卑侵尊是之谓说也

九祭注郑司农云衍祭美之道中如今祭殇无所王命九 注杜子春云奇读为奇偶之奇谓先屈一膝今雅拜是也或云奇读曰倚倚拜谓持节持防拜身倚之以拜郑司农云褻拜今时

持节拜是也肃拜但俯下手今时撻【于至反即今之揖】是也
疏仪礼乡饮酒賓客有撻入门之法推手曰揖引手曰撻

左传郤至敢肃使者注肃手至地若今撻【字林云举首下手也】汉何武举方正所举者召
见槃辟雅拜有司以为诡众虚伪

小祝置铭注郑司农云铭书死者名于旌今谓之柩疏汉时谓铭为柩

设道赍之奠注杜子春云赍当为粢道中祭也汉仪每街路辄祭
疏引汉法为证后郑不从者按既夕礼祖庙之庭礼道中无祭法

甸祝禩牲注今侏大字也疏今汉时人傍侏是侏大之字

司巫掌巫降之礼注巫下神之礼今世或死既斂就巫下□其遗礼
疏郊特牲乡人□郑注云□彊鬼彼逐疫疠之事此□当家之鬼非彊鬼也

女巫注歲时祓除如今三月上巳如水上之类衅浴谓以香薰草药沐浴
疏一月有三巳据上旬之巳而为祓除之事见今三月三日水上戒浴是也

大史正歲年以序事注中数曰歲朔数曰年中朔大小不齐正之以閏若今时作歷日矣

抱天时注郑司农云大史主抱式以知天时处吉凶疏据当时占文谓之式以其见时 有法
式故谓载天文者为式

蓺文志有羨门式法

冯相氏十有二歲注歲谓大歲歲星与日同次之月斗所建之辰乐说说歲星与日常应大歲
月建以见然则今歷大歲非此也
疏以今歷大歲歲星北辰大歲无跳辰之义非此经大歲者也

防天位注合此歲日月辰星宿五者以为时事之 若今歷日大歲在某月某日某甲朔日直
【音值】某也

保章氏星土注堪輿虽有郡国所入度非古数也今其存可言者十二次之分也星纪吴越也
枵齐也娵訾衛也降娄鲁也大梁赵也实沈晋也鹑首秦也鹑火周也鹑尾楚也壽星郑也
大火宋也析木燕也此分野之妖祥主用客星彗孛之气为象
疏古黄帝时堪輿亡后代有作堪輿者非古数虽非古数时有可言者

占梦注天地之防建厌所处之日辰疏堪輿天老曰假令正月阳建于寅陰建在戌张逸问厌

对之义答曰案堪輿黄帝问天老事云四月阳建于巳破于亥陰建于未破于癸是为阳破阴阴破阳故四月有癸亥为阴阳交防十月丁巳为陰阳交防藝文志堪輿金匱十四卷注许慎云堪天道輿

地道也

十有二歲注歲星为阳右行于天大歲为阴左行于地十二歲而小周其妖祥之占甘氏歲星经其遗象也

五云之物注郑司农云以二至二分观云色青为虫白为防赤为兵荒黑为水黄为丰疏蓋据阴阳书

内史凡四方之事书内史读之注若今尚书入省事疏汉法奏事读之故举以况之也

霍光传尚书令读奏

以方出之注杜子春云方直谓今时牒也 疏古时名

为方汉时名为牒故举以说之

外史达书名注古曰名今日字使四方知书之文字得能读之 疏聘礼记云百名以上书之于策不满百名书之于方古者之文字少直曰名后代文字多则曰字字者滋也滋益而多故更称曰字

御史掌贊书注贊为辞若今尚书作诏文 疏谓若今出诏勅之书

续汉百官志尚书侍郎三十六人一曹有六人主作文书起草安帝时陈忠上疏荐周兴曰诸郎多文俗吏鲜有雅材每为诏文宣示内外转相求请或以不能而专已自由辞多鄙固乃拜兴尚书郎

巾车注纓今马鞅

容盖注郑司农云容谓檐车山东谓之裳帋或曰潼容 谓盖如今小车蓋也疏此举汉法小车有蓋以况周

翟车有握注有握则此无盖矣如今駟车是也 疏汉法駟车无盖故举以况之

蒲蔽注郑司农云谓羸兰车以蒲为蔽天子防服之车汉仪亦然疏汉时有羸长兰乘不善之车故举以说之也

藩蔽注藩今时小车藩漆席以为之

良车散车注不在等者谓若今輜车后户之属作之有功有沽
疏汉时輜车与古者从军所载輜重财货之车皆车后开户故举以説之

典路注汉朝上计律陈属车于庭 疏汉朝集使上计律法谓上计防之法

安帝纪永初四年春正月元日防彻乐不陈充庭车注每大朝防必陈乘輿法物车辇于庭以
年饥故不陈

司常九旗之物名各有属注属谓徽识也大传谓之徽号令城门仆射所被及亭长着絳衣皆
其旧象 疏引今汉法欲见古有此物遗及汉时也

司燿注燿读如予若观火之观今燕俗名汤热为观则燿火谓热火与

司甲注甲今之铠也 疏今古用物不同其名亦异古用皮谓之甲今用金谓之铠从金为字也

司戈盾注戈今时句子防
疏汉时见戈有旁出者为句子亦名胡子故号戈为胡子防也【句古侯字】

大司马师帅执提注郑司农云提谓马上鼓有曲木提持鼓立马髦上者故谓之提
疏据当时已有单骑举以况周其实周时皆乘车无轻骑法也

曲礼前有车骑则载飞鸿正义古人不骑马经典无言骑者今言骑者当是周末时礼左传正
义六国之时始有单骑左师展将以公乘马而归此骑马之渐也

誓民注誓以犯田法之罚也誓曰无干车无自后射疏此据汉田律而言

左右和之门注军门曰和今谓之垒门立两旌以为之疏汉时军垒为门名曰垒门与古和门
同故举为说

司勲祭于大烝注今汉祭功臣于庙庭 疏引汉法欲见古者祭功臣在庙庭也

汉旧仪宗庙祭功臣四十人食堂下惟御仆滕公祭于庙门外塾

加田注郑司农云禄田亦有给公家之赋贡若今时侯国有司农少府钱谷矣
疏汉法谷入司农钱入少府故举以为况

掌固设其饰器注兵甲之属今城郭门之器亦然

疏汉时城郭门守器所饰亦若今城郭门傍所执矛防皆有幡饰之等

挈壶氏分以日夜注异昼夜漏也漏之箭昼夜共百刻冬夏之间有长短焉大史立成法有四十八箭疏马氏云漏凡百刻春秋分昼夜各五十刻冬至昼则四十刻夜则六十刻夏至昼六十刻夜四十刻郑注尧典云日中者日见之漏与不见者齐日长者日见之漏五十五刻于四时最长也夜中者日不见之漏与见者齐日短者日见之漏四十五刻于四时最短此与马义异以其马云春秋分昼夜五十刻据日见之漏若兼日未见日没后五刻昼五十五刻夜四十五刻若夏至昼六十刻通日未见日没后五刻则昼六十五刻夜三十五刻一年通闰有三百六十五日四分日之一四时之间九日有余较一刻为率云大史立成法有四十八箭者此据汉法而言则以器盛四十八箭箭各百刻以壶盛水悬于箭上节而下之水水淹一刻则为一刻四十八箭者盖取倍二十四气也书正义汉初率九日增减一刻和帝时霍融始请改之郑注书纬考灵曜仍云九日增减犹未觉误也

续汉历志永元十四年诏曰今官漏以计率分昏明九日增减一刻违失其实大史待诏霍融上言不与天相应令下晷景漏刻四十八箭立成式官府当用者计吏到班予四十八箭

射人射牲注今立秋有防刘云疏汉时苑中有防刘即尔雅防似狸刘杀也云立秋防杀物

武帝纪腰五注如淳曰汉仪注立秋防腰苏林曰腰祭名防虎属常以立秋日祭兽王者亦以此日出猎还以祭宗庙故有防腰之祭颜师古曰续汉书作防刘腰刘义通法言腰腊注腰八月旦也今河东俗奉以为大节祭祀先人也

罗氏注今俗放火张罗其遗教

疏汉之俗间在上放火于下张罗丞之以取禽兽是周礼之遗教

罗春鸟注若今南郡黄雀之属

方相氏注冒熊皮者以惊殴疫厉之鬼如今魑头也殴方良注天子之椁柏黄肠为里而表以石焉疏引汉法为证

霍光传注如淳曰汉仪注天子陵中明中高丈二尺四寸周二丈内梓宫次榎椁柏黄肠题凑苏林曰柏木黄心故曰黄肠

大仆大寝之门外注大寝路寝也其门外则内朝之中如今宫殿端门下矣

达穷者与遽令注郑司农云穷谓穷冤失职则来击此鼓以达于王若今时上变事击鼓矣遽传也若今时驿马军书当急闻者亦击此鼓

前驱注前驱如今道引也

小臣燕出入则前驱注燕出入若今游于诸观苑 疏引汉法证之

隶仆掌蹕宫门之事注郑司农云蹕谓止行者清道若今时儆蹕

弁师延组注延冕之覆在上是以名焉组小鼻在武上笄所贯也今时冠卷当簪者广袤以冠
縱其旧象与疏古之组武笄贯交处若今汉时冠卷当簪所贯

者于上下之广及随縱之袤以冠縱者贯簪之处当冠縱之中央是周冕垂组于武贯笄之旧
象以无正文故云与以疑之凡冕体周礼无文叔孙通作汉礼器制度取法于周今还取彼以
释之案彼文凡冕以版广八寸长尺六寸以上 下朱覆之乃以五防纁绳贯五采玉垂于延
前后谓之遽延

纁旂注郑司农云纁当为藻纁古字也藻今字也同物同音

会五采注郑司农云沛国人谓反紒为防 谓防读如大防之防
疏汉歷有大防小防取防聚之意

玉璫注璫读如薄借綦之綦綦结也
疏汉时有薄借綦之语故读从之亦取结义薄借之语未闻

司戈盾设藩盾注藩盾盾可以藩卫者如今之扶苏与

疏举汉法以况之

司弓矢枉矢注枉矢者取名变星飞行有光今之飞矛是也 疏案援神契云枉矢射鴈考异卹
曰枉矢精状如流星蛇行有尾见天文志曰状大流星是其妖变之星行时有光汉时名此矢
为飞矛故举以为説也

廋人注郑司农云散读为中散大夫之散

圉师注杜子春读榘为齐人言铁榘之榘

职方氏天下之圖注天下之图如今司空輿地圖也疏大司徒掌九州不言夷狄九州之内有
邦国故以郡国言之此职方兼主夷狄夷狄中汉时不置郡国惟置校尉掌之故此注亦不言
郡国也

司圜注郑司农云圜土谓狱城也今狱城圜
疏东方主规规主仁恩凡断狱以仁恩求出之故圜也

司隶注隶给劳辱之役者汉始置司隶亦使将徒治道沟渠之役后稍尊之使主官府及近郡疏以汉时司隶官与周同故举以为况也

萍氏注今天问萍号作苹 疏离骚有天问篇天不可问故以天问为名

防氏注郑司农云 读为 氏春秋之 疏防氏作春秋书名若晏子吕氏春秋之类取其音读也汉儒林传堂谿惠授泰山防都都与筦路又事颜安乐故颜氏复有筦防之学防氏春秋即防都也疏恐误

薙氏注郑司农云今俗间谓麦下为夷下言芟夷其麦以其下种禾豆也

蝓氏注蝓今御所食蛙也

霍山曰丞相擅减宗庙羔菟鼯

伊耆氏注今姓有伊耆氏也

大司寇两剂注剂今券书也

欲有复于上注复犹报也报之者若上书诣公府言事矣

以邦成弊之郑司农云邦成谓若今时决事比也
疏若今律其有断事皆依旧事断之其无条取比类以决之故云决事比也

晋志汉时决事集为令甲以下三百余篇

小司寇读书则用法注郑司农云如今时读鞫已乃论之
疏鞫谓劾囚之要辞读已乃论其罪也

八辟注郑司农云议亲若今时宗室有罪先请是也议贤若今时防吏有罪先请是也议贵若今时吏墨绶有罪先请是也
疏汉法丞相中二千石金印紫绶御史大夫二千石银印青绶县令六百石铜印墨绶

前王而辟注郑司农云小司寇为王道辟除奸人也若今时执金吾下至令尉奉引矣
疏汉时执金吾及令尉为帝奉引犹如小司寇为王导故引以为况

士师五禁注古之禁书亡矣今宫门有符籍官府有无故擅入城门有离载下帷野有田律军有器讙夜行之禁其牾可言者 疏举汉法以况之在车离耦载而下帷恐是奸非故禁之

三曰禁注禁则军礼曰无干车无自后射比其类也追胥注胥读如宿僭之僭僭谓司搏盗贼也疏时有夜宿逐贼谓之僭

士之八成注郑司农云八成者行事有八篇若今时决事比疏凡言成者皆旧有成事品式后人依而行之决事依前比类决之

邦沟注郑司农云斟酌盗取国家密事若今时刺探尚书事疏汉时尚书掌机密有刺探尚书密事斟酌私知故举为况也

诏司寇注若今日听正法解也

傅别注故书别为辩郑司农云傅或为符辩读为风别之别若今时市买为券书以别之各得其一讼则案券以正之

乡士辩其狱讼异其死刑之罪而要之注要之为其罪法之要辞如今劾矣疏劾实也

左传疏汉世名断狱为劾

士师受中协日注郑司农云协和合支干善日若今时望后利日也士师受中若今二千石受其狱也疏汉时受二千石禄禀郡守之等受在下已成之狱利日即合刑杀之日

三公若有邦事则为之先驱而辟注郑司农云郷士为三公道也若今时三公出城郡督邮盗贼道也疏邮谓邮行往来盗贼谓旧为盗贼即不良之人故郡内督察邮行者是盗贼之人使之道以况古郷士为道相类也

诒士有治于士者造焉注如今郡国亦时遣主者吏诣廷尉议者疏汉时狱官号廷尉

四方有乱狱则往而成之注犹吕步舒使治淮南狱疏吕步舒明春秋公羊为丞相长史淮南王反武帝诏使宗正刘德与步舒穷验其事

朝士外朝之法注雉门设两观与今之宫门同疏举汉以况周

今司徒府有天子以下大防殿亦古之外朝哉疏举汉法况义

得获货贿人民六畜者注郑司农云若今时得遗物及放失六畜持诣乡亭县廷大者公之大物没入公家也小者私之小物自畀也

期外不听注郑司农云若今时徒论决满三月不得乞鞫

有判书注郑司农云谓若今时辞讼有券书者为治之犯令者注若今时加贵取息坐臧

杀之无罪注郑司农云若今时无故入人室宅庐舍上人车船牵引人欲犯法者其时格杀之无罪 疏先郑举汉贼律云

晋志魏李悝着法经其律始于盗贼盐铁论一尺四寸之律古今一也或以治或以乱

司民皆书于版注版今户籍也

司刑注今东西夷或以墨劓为俗古刑人亡逃者之世类与宫若今宦男女也郑司农云汉孝文帝十三年除肉刑 疏宦男女即宫人妇女及奄人使守内閤者也文帝赦肉刑所赦者唯赦墨劓与刖三者其宫刑至隋乃赦也

书吕刑正义汉除肉刑除墨劓刖耳宫刑犹在隋开皇之初始除男子宫刑妇人犹闭于宫

诏刑罚法处其所应不如今律家所署法矣

司刺三宥注郑司农云过失若今律过失杀人不坐死 谓识审也不审若今仇讐当杀甲见乙诚以为甲而杀之者过失若举刃欲斫伐而轹中人者遗防若间帷薄防有在焉者而以兵矢投射之 疏甲乙者兴喻之之义

三赦注郑司农云幼弱老旻若今时律令年未滿八岁八十以上非手杀人他皆不坐

司约丹圖注丹圖未闻或有雕器簠簋之属有圖象者与今俗语有铁券丹书岂此旧典之遗言与

职金楬而玺之注郑司农云今时之书有所表识谓之楬槩 疏楬即今之板

金罚疏夏侯欧阳说云墨罚疑赦其罚百率古以六两为率古尚书說百醵醵者率也一率十一铢二十五分铢之十三也百醵为三斤郑 以为古之率多作醵

萧望之传张敞曰甫刑之罚小过赦薄罪赎有金选之品注选音刷字本作𠔁𠔁即醵也其重十一铢二十五分铢之十三一曰重六两

用金石注作枪雷【音谏】椎棹【宅耕反】之属 疏皆谓守城御捍之具

司属掌任器货贿入于司兵注郑司农云若今时伤杀人所用兵器盗贼臧加责没入县官 疏加责者即今时倍臧

其奴注郑司农云今之为奴婢古之罪人也 谓奴从坐而没入县官者
疏汉时名官为县官非谓州县也

史记索隐云夏家王畿内名县内即国都也王者官天下故曰县官

司圜任之以事注郑司农云若今时罚作矣

史记冯唐传云中守魏尚削其爵罚作之

掌戮注斩以鉄钺若今要斩也杀以刀刃若今弃市也官者使守内注以其人道絶也今世或然

野庐氏比修除道路者注比较治道者名若今次金叙丈功
疏谓汉时主役之官官名次金叙主以丈尺赋功

凡道禁注禁谓若今絶防大巾持兵杖之属 疏古时禁书亡故举汉法而言也

蜡氏置榻焉注郑司农云今时榻槩是也有地之官有部界之吏今时乡亭是也

司寤氏掌夜时注夜时谓夜晚早若今甲乙至戌 疏甲乙则早时戌亥则晚时也【疏以戌为戌误甲乙至戌谓夜有五更】西域传杜钦曰斥候士五分夜击刁斗自守一夜有五更故分而持之天文志有甲夜乙夜袁宏汉旧仪昼漏尽夜漏起省中用火中黄门【阙】五夜甲夜乙夜丙夜丁夜戊夜相传授守火【阙】内户外鼓五止宫中衛官城门击刁斗传五夜百官各徼直符行衛士周庐击木柝唯呼备

夜士注主行夜徼 者如今都 之属 疏行夜来往周旋谓徼 者

司烜氏以鉴取明水于月注鉴镜属取水者世谓之方诸 疏汉世谓之方诸

明竈注若今榻头明书其罪法也

条狼氏执鞭以趋辟注趋而辟行人若今卒辟车之为庶氏毒蛊注贼律曰敢蛊人及教令者弃市

薙氏春始生而萌之夏日至而夷之秋绳而芟之注萌之者以兹其斫其生者夷之以钩镰迫地芟之也若今取菱矣 疏汉时兹其即今之锄也

蜎氏注齐鲁之间谓鼃为蜎

伊耆氏齿杖注郑司农云今时亦命之为工杖

大行人谕书名注书名书之字也古曰名聘礼曰书名以上

小行人秋献功注若今计文书断于九月其旧法管节注如今之竹使符也

赙补注郑司农云若今时一室二尸则官与之棺也司仪旅殡注旅读为鸿臚之臚

行夫传遽注传遽若今时乘传骑驿而使者也

掌讶次于舍门外注次如今官府门外更衣处 疏举汉法以况之即今门外亦然

考工记注胡今匈奴

鲍书或为鞞苍颉篇有鞞□

疏艺文志苍颉有七章秦丞相李斯所作鞞□是其一篇内有治皮之事故引为证也

既建而迤注郑司农云迤读为倚移从风之移 疏司马长卿上林赋云

戚速注齐人有名疾为戚者

终古注齐人之言终古犹言常也

𨋖注郑司农云𨋖读为旃仆之仆谓伏兔也 疏伏兔汉时名今人谓之车屐是也

轮人三材注今世毂用杂榆辐以檀牙以榘也 疏郑举今世所用木为此三者

牙也者注郑司农云谓轮輳也世间或谓之罔

眡其纆注郑司农云纆读为闕东言饼之饼 疏依俗读也

察其菑注郑司农云菑读如杂厕之厕泰山平原所树立物为菑博立梟棊亦为菑
疏史游章分别部居不杂厕博戏时立一子于中央谓之梟棊

为之弱注今人谓蒲本在水中者为弱 疏史游章云蒲蒻兰席谓取蒲之本在水者为席

注郑司农云蜀人言掇曰

弓注盖檠也 疏汉世名盖弓为檠子也

辔人繮其牛后注郑司农云關东谓紂为繮

筑氏为削注今之书刀

疏古者未有纸笔则以削刻字至汉虽有纸笔仍有书刀是古之遗法也

汉书刀笔吏注刀所以削书古者用简牒故吏皆以刀笔自随

冶氏戈广二寸注戈今句子防也或谓之鸡鸣或谓之拥颈铤读如麦秀铤之铤 疏据汉法而言汉时见胡横之句子防鸡鸣者以其胡似鸡鸣故也拥颈者以其胡曲故谓之拥颈有此数名也

倨句注俗谓之曼胡似此 疏胡外广而本寬曼胡然案庄公四年左氏传楚武王荆尸授师子焉以伐随注子句子凡防而无刃秦晋之间谓之子或谓之鑕吴扬之间谓之伐东齐秦晋之间其大者谓之曼胡其曲者谓之句子曼胡

重三铤注许叔重说文解字云铤铤也今束莱称或以大半两为钩十钩为环环重六两大半两铤铤似同矣则三铤为一斤四两

疏铤铤轻重无文故王肃之徒皆以六两为铤是以郑引许氏及束莱称为证也

防注今三锋防也 疏三锋者见此经言援言胡又言刺

桃氏谓之下制注下制长二尺重一斤一两三分两之一此今之匕首也

疏汉时名此小劔为匕首也

鳧氏钟县谓之旋注今时旋有蹲熊盘龙辟邪

疏举汉法钟旋之上以铜篆作蹲熊及盘龙辟邪辟邪亦兽名古法亦当然也

篆间谓之枚注今时钟乳侠鼓与舞每处有九面三十六

疏举汉法一帶有九古法亦当然钟有两面面皆三十六也

防氏量之以为鬴注鬴六斗四升也鬴十则钟方尺积千寸于今粟米法少二升八十一分升之二十二其数必容鬴此言大方耳 疏算术有算粟为米之法

画缋山以章注齐人谓麋为獐

五入为緌注緌今礼俗文作爵言如爵头色也

防氏沔其丝注楚人曰沔齐人曰淩

玉人侯用瓚注瓚读为 口之口【作旦反】疏醯人职有 食汉时有膏

玉多则重石多则轻疏盈不足术曰玉方寸重七两石方寸重六两

大圭注终葵椎也相玉书曰珽玉六寸明自炤疏齐人谓椎为终葵

裸圭注瓚如盘其柄用圭有流前注

矢人夹而摇之注今人以指夹矢儗衞是也

梓人顾注郑司农云读为鬣头无发之鬣疏时俗有以无发为鬣

觚三升注觚当为觶疏礼器制度云觚大二升觶大三升

庖人句兵棹注齐人谓柯斧柄为棹

匠人四阿重屋注四阿若今四注屋重屋复竿也

疏燕礼云设洗当东霤则此四阿四霤者也复竿重承壁材

上林赋高廊四注

大扃小扃注大扃牛鼎之扃长三尺小扃鼯鼎之扃长二尺疏此约汉礼器制度知之

外有九室注九室如今朝堂诸曹治事处疏据汉法谓正朝之左右为庑舍者也

宫隅城隅注谓角浮思也疏郑以浮思解隅者案汉时云东阙浮思灾言灾则浮思者小楼也明堂位疏屏注亦云今浮思也刻之为云气虫兽如今阙上为之矣则门屏有屋覆之与城隅及阙皆有浮思刻画为云气并虫兽

文帝纪未央宫东阙罍罍灾顔师古注罍罍谓连阙曲阁也以覆重刻垣墉之处其形罍罍然一曰屏也王莽传遣使坏渭陵延陵园门罍罍曰毋使民复思也

耜广五寸注古者耜一金两人并发之今之耜歧头两金象古之耦也

疏后汉用牛耕种故有歧头两脚耜今犹然也但以牛种用一耜则畎下布种与古异矣

堂涂注谓阶前若今令甃埽也

疏汉时名堂涂为令甃埽令甃则今之埽也埽则埽道也【令音零甃薄厯反埽音阶】

车人一轳有半谓之柯注郑司农云苍颉篇有柯轳车人为耒疏古法耒下惟一金不歧头先

郑云耒下歧据汉法而言其实古者耒不歧头是以后郑上注亦云今之耜歧头

以其一为之首注首六寸谓今刚闕头斧

疏汉时斧近刃皆以刚铁为之又以柄闕孔即今亦然故举汉法为説也

羊车注羊善也善车若今定张车 疏虽举当时汉法以晓人汉世去今久遠亦未知定张车将何所用但知在宫内所用故差小为之谓之羊车也

弓人菱解注菱读如齐人名手足擊为骹之骹

故剽注郑司农云剽读为湖漂絮之漂 疏时有此语从俗读之

櫝脂膏防败之防 疏若今人头发有脂膏者则谓之防

汉制攷卷二

汉制攷卷三

宋 王应麟 撰

仪礼

士冠礼所卦者注所以画地记爻 疏筮法依七八九六之爻而记之但古用木画地今则用钱以三少为重钱重钱则九也三多为交钱交钱则六也两多一少为单钱单钱则七也两少一多为折钱折钱则八也案少牢云卦者在左坐卦以木故知古者画卦以木也

有司如主人服注有司羣吏有事者谓主人之吏所自辟除府史以下今时卒吏及假吏是也疏周礼三百六十官之下皆有府史胥徒不得君命主人自辟除去役赋补置之周礼皆云府史此云羣吏吏史亦一也故举汉法为证

抽上韝注韝藏防之器今时藏弓矢者谓之韝丸也疏此举汉法为况亦欲见韝弓矢者以皮为之故诗云象弭鱼服是以鱼皮为矢服则此韝亦用皮也

设洗直于东荣注洗承盥洗者弃水器也士用铁荣屋翼也周制自卿大夫以下其室为夏屋水器尊卑皆用金罍及大小异 疏士用铁者案汉礼器制度洗之所用士用铁大夫用铜诸侯用白银天子用黄金也檀弓孔子云见若覆夏屋者矣郑注云夏屋今之门庀汉时门庀也两下为之故举汉法以况夏屋两下为之或名两下屋为夏屋夏后氏之屋亦为夏屋郑云卿大夫以下其室为夏屋两下而周之天子诸侯皆四注金罍此亦案汉礼器制度尊卑皆用金罍及其大小异荣即今之 风云荣者与屋为荣饰言翼者与屋为羽翼

韎韐注今齐人名蓍为韎韐

缁布冠缺项青组纓属于缺缁纁广终幅长六尺皮弁笄爵弁笄注缺读如頰缁布冠无笄者着頰围发际结项中隅为四缀以固冠也今未冠笄者着卷帻頰象之所生也滕薛名鬲为頰纁今之帻梁也笄今之簪 疏着頰围发际者无正文约汉时卷帻亦围发际故知也頰象之所生者此举汉法以况义汉时男女未冠笄者首着卷帻之状亦以布帛之等围绕发际为之汉时滕薛二国云鬲鬲卷帻之类亦遗象故为况也帻梁亦举汉法为况帻梁之状郑目验而知至今久远亦未审也

有篚注篚竹器如笭者 疏举汉法为况也

缁布冠各一匱注缁布冠今小吏冠其遗象也匱竹器名今之冠箱也 疏缁布冠士为初加之冠冠讫则弊之不用庶人则常着之故诗云台笠緇撮是庶人以布冠常服者以汉之小吏亦常服之故举为况冠箱亦举汉法为况

屨青絢注絢之言拘也以为行戒状如刀衣鼻在屨头疏此以汉法言之今之屨头见有下鼻似刀衣鼻

故以为况也

大古冠布注白布冠者今之丧冠是也

周弁殷冏夏收注其制之异亦未闻 疏案汉礼器制度弁冕周礼弁师相参周之冕以木为体广八寸长尺六寸绩麻三十升布为之上下以纁前后有旒尊卑各有差等天子玉笄朱紘其制可闻云未闻者但夏殷之礼亡其制与周同异亦如上未闻也

士昏礼女次注次首饰也今时髮也

姆注若今时乳母矣 疏汉时乳母则选德行有乳者为之并使教子

纁笄注纁緇发笄今时簪也

疏簪举汉为况义被纁黼注卿大夫之妻刺黼以为领如今偃领矣
疏举汉法郑君目验而知至今已遠偃领之制亦无可知也

尔雅黼领谓之褖注绣刺黼文以褖领

妇执笄注竹器而衣者其形盖如今之筩 簠矣
疏此举汉法以况义但去今以遠其状无以可知也

乡饮酒礼注今郡国十月行此饮酒礼

疏汉时已罢诸侯之国而为郡郡有太守而封王子母弟者仍为国故云郡国也

乡朝服注今郡国行乡饮酒之礼 冠而衣皮弁服与礼异

乡射礼注今郡国行此礼以季春 疏汉时虽无诸侯国而置郡为守其王之子弟犹名国其君曰相故郑注礼记云如今从太守相临之礼是也引之者证时节与周异也

主人朝服注今郡国行此乡射礼皮弁服与礼为异疏引之者欲见与周异也

不及地武注武迹也中人之迹尺二寸

疏无正文盖目验当时而言汉礼云五武成步步六尺或据此而言也

中十尺注方者也用布五丈今官布幅广二尺二寸旁削一寸 疏此言十尺用布五幅幅广二尺二寸两畔各削一寸为缝幅各二尺在故五幅为一丈也汉法幅二尺二寸亦古制存焉故

举以为况周礼郑志纯三只只八寸二尺四寸者据缙幅也

燕礼设洗当东霤注当东霤者人君为殿屋也亦南北以堂深

疏汉时殿屋四向流水故举汉以况周言东霤明亦有西霤对大夫士言东荣两下屋故也

坐行之注若今坐相劝酒【大射仪同】

燕朝服于寝注今辟雍十月行此燕礼 冠而衣皮弁服与礼异也

疏引汉法欲见与古异者周时 冠服则缁布衣今衣皮弁服是其异也

大射仪有丰注近似豆大而卑矣 疏既用豆为形还近似笾豆之豆举汉法而知

司射适次注次若今时更衣处张帟席为之

聘礼释币于行注今时民春秋祭祀有行神古之遗礼乎

疏郑以行神无正文虽约檀弓犹引汉法为况

束帛注帛今之璧色缙也

疏周礼大宗伯孤执皮帛郑注亦然束帛亦与璧色同以其相配但未知正用何色耳

及郊注远郊百里近郊各半之 疏尚书君陈序云命君陈分正东郊成周郑注周之近郊五十里今河南洛阳相去则然郑以目验知之

以二竹簋方 被纁里有盖注竹簋方者器名也以竹为之状如簋而方如今寒具筩筩者圜此方耳 疏寒具若笱人先郑云朝事谓清朝未食先进寒具口实之笱实以冬食故谓之寒具筩圜此方者方圆不同为异也

束纺注纺丝为之今之 也 疏郑注周礼内司服云素纱者今之白 也则此束纺者素纱也故据汉法况之【 息绢反声类以为今正绢字】

百名以上书于策不及百名书于方注名书文也今谓之字

疏郑注论语亦云古者曰名今世曰字许氏説文亦然名者即今之文字也

圭与纁皆九寸注杂采曰纁以韦衣木板饰以三色再就

疏依汉礼器制度而知也但木板大小一如玉制然后以韦衣之大小一如其板

卿大夫讶注讶主国君所使迎待宾者如今使者防客十六斗曰防注今江淮之间量名有为防者【今文防为逾】论语注十六斗曰庾正义庾逾防其数同

四秉曰筥注筥穊名也若今菜易之间刈稻聚把有名为筥者

公食大夫礼浆饮注戡浆也 疏戡之言载以其汁滓相载故云戡汉法有此名故也

脚臙臙注今时臙也

觐礼斧依注依如今绋素屏风也有绣斧文所以示威也斧谓之黼 疏案尔雅牖户之间谓之扂以屏风为斧文置于依地孔安国顾命传云扂屏风画为斧文置户牖间是也言绋素者绋赤也素白也汉时屏风以绋素为之象古者白黑斧文故郑以汉法为况

防服冠六升注布八十缕为升升字当为登登成也今之礼皆以登为升俗误已行久矣

總衰裳注凡布细而疏者谓之總今南阳有邓總 疏谓汉时南阳郡邓氏造布有名總

栝笄注栝笄者以栝之木为笄或曰榛笄有首者若今时刻镂摘头矣
疏摘头之物刻镂为之此笄亦在头而云首为大饰明首亦刻镂之故举汉法况之也

髻注髻露紒也以麻者自项而前交于额上却绕紒如着防头焉
疏郑引汉法防头况者古之括发其髻之状亦如此

绳菲注今时不借也 疏周时人谓之屨子夏时人谓之菲汉时谓之不借

士防礼浴衣于篋注浴衣已浴所衣之衣以布为之其制如今通裁
疏布单衣汉时名为通裁故举汉法为况

溲濯注古文溲作淥荆沔之间语
疏豫州人语连絢注絢屨饰如刀衣鼻在屨头上以余组连之
疏以汉时刀衣鼻况絢在屨头上以其皆有孔得穿系于中而过若无絢则谓之鞮屨

贝三注贝水物古者以为货江水出焉
疏汉书食货志云五贝为朋又有大贝牡贝之等以为货用

免于房注免之制未闻旧説以为如冠状广一寸此用麻布为之状如今之着防头矣

后汉向栩好被发着绛绡头注绡当作幪

髻于室注既去纚而以发为大紒如今妇人露紒其象也其用麻布亦如防头然

葵菹芋注齐人或名全菹为芋 疏菹法旧短四寸者全之若长于四寸者亦切之

敦注敦有足则敦之形如今酒敦

既夕礼荐车注荐进也进车者象生时将行陈驾也今时谓之魂车
疏郑举汉法况之以其神灵在焉

用轴注轴軹轴也轴状如转辘 疏此以汉法况之汉时名转轴为转辘

荐马纓注纓今马鞅也 疏古者谓之纓汉时谓之故举汉法为况也

池注池者象宫室之承霤以竹为之状如小车穹衣以青布
疏此郑依汉礼而言【防大记注同 疏郑以汉之制度而知小车之箱必犹狭长】

齐注齐居柳之中央若今小车盖上蕤也 疏汉时小车盖上有蕤在盖之中央故举以为说

甸人抗重注今时有死者凿木置食其中树于道侧由此

脾析注脾读为鸡脾肫之脾 疏时俗有此语故读从之也

中带注若今之禪褰

隶人注罪人也今之徒役作者也

櫨注今之輦也

不馈于下室注下室如今之内堂正寝听朝事 疏下室既为燕寝故郑举汉法内堂况之

士虞礼墮祭注齐鲁之间谓祭为墮 疏齐南鲁北谓祭为墮者由墮下而祭因即谓祭为墮

三个注今俗或名枚曰个音相近【特牲礼注个犹枚也今俗言物数若云若干个者此读然】

干肉注如今凉州乌翅矣 疏汉时干脯似之故郑以今晓古也

主妇亦拜賓注拜之于闾门之内闾门如今东西掖门疏案尔雅释宫云宫中之门谓之闾则
闾门在宫

内汉时宫中掖门在东西若人左右掖故举以为况也

钩袒注如今褰衣也【释文作防衣音宣】 疏若汉时人褰衣以露臂

特牲馈食礼楸在其南注楸之制如今大木輦矣上有四周下无足 疏郑举汉法以晓古

棘心匕刻注刻若今龙头

有司彻注桃谓之防读如或舂或 之 字或作桃者秦人语也此二匕者皆有浅升状如饭
糝 疏此以汉法况之

举觶注古文觶皆为爵延熹中诏较书作觶

礼记

曲礼乘安车注安车坐乘若今小车也

疏古者乘四马之车立乘此臣既老故乘一马小车坐乘也庾蔚云汉世驾一马而坐乘也

请业则起请益则起注起若今扞衣前请也 疏汉时受学有扞衣前请之法郑引证之也

在丑夷不争注四皓曰陛下之等夷

不以隐疾注俗语云隐疾难为医

用挾注今人或谓箸为挾提

量鼓疏隐义云东海乐浪人呼容十二斛者为鼓礼不讳嫌名释文案汉和帝名肇不改京兆
郡魏武帝名操陈思王诗云脩阪造云日是不讳嫌名

君天下曰天子注今汉于蛮夷称天子于王侯称皇帝量币注今河东云币帛也

使某羞注羞进也古者谓候为进 疏古时谓迎客为进汉时谓迎客为候

棋注棋枳也有实今邳郯之东食之

檀弓蚁结于四隅注殷之蚁结似今蛇文书

置翣注墙柳衣翣以布衣木如摄与 疏摄是汉时之扇与疑辞郑恐人不识翣体故云

覆夏屋注夏屋今之门庑也其形旁广而卑

疏殷人以来始屋四阿夏家之屋唯两下而已无四阿如汉之门庑

重霤注今宫中有承霤云以铜为之

汉宣帝纪金芝产函德殿铜池中注铜池承露也以铜为之

衽每束一注衽今小要衽 疏汉时呼衽为小要也厌冠注今防冠其服未闻

丰碑注斲大木为之形如石碑于椁前后四角树之穿中于间为鹿卢下棺以繚绕天子六繚四碑前后各重鹿卢也

疏案春秋天子有隧以美道下棺所以下碑者凡天子之 掘地以为方圻汉书谓之方中

桓楹注四植谓之桓

疏案说文桓亭邮表也谓亭邮之所而立表木谓之桓即今之桥旁表柱也

王制大国三卿皆命于天子注命于天子者天子选用之如今诏书除吏矣

制国用注如今度支经用

狄鞮注今冀部有言狄鞮者

史以狄成告于正注正于周乡师之属今汉有正平丞秦所置 疏案汉书百官公卿表廷尉秦官掌刑辟有正左右监宣帝地节三年初置左右平郑见古有正连言平耳此王制多是殷法秦则放殷置之

执左道注左道若巫蛊及俗禁 疏卢云左道谓邪道地道尊右右为贵故汉书云右贤左愚右贵左贱故正道为右不正道为左巫蛊案汉书武帝时江充埋桐人于太子宫是也俗禁者若前汉张竦行辟反支后汉书郭躬传有陈伯子者出辟往亡入辟归忌是也

周尺注周尺之数未详闻也案礼制周犹以十寸为尺盖六国时多变乱法度或言周尺八寸则步更为八八六十四寸以此计之古者百亩当今百五十六畝二十五步古者百里当今百二十五里 疏郑即以古周尺十寸为尺八尺为步则步八十寸郑又以今周尺八寸为尺八尺为步则今步皆少于古步一十六寸也是今步别剩六十寸

月令鱼上冰注夏小正正月启蛰鱼陟负冰汉始亦以惊蛰为正月中 疏汉之时立春为正月节惊蛰为正月中雨水为二月节春分为二月中气至前汉之末以雨水为正月中惊蛰为二月节故律历志云正月立春节雨水中二月惊蛰节春分中是前汉之末刘歆作三统历改惊蛰为二月节郑以旧历正月启蛰启即惊也故云汉始亦以惊蛰为正月中但蛰虫正月始惊二月大惊故在后移惊蛰为二月节雨水为正月中

鸿鴈来注今月令鸿皆为候

疏月令出有先后入礼记者为古不入礼记者为今则吕氏春秋是也

先立春三日 疏周法五时迎气皆前期十日而斋散斋七日致斋三日今秦法简省故三日也

迎春注周近郊五十里 疏郑注尚书君陈序云天子近郊五十里今河南洛阳相去则然是也

草木萌动注农书曰土长冒橛陈根可防耕者急发疏案汉书艺文志农书有九家百一十四篇郑所引农书先师以为泛胜之书也汉书注成帝时为侍郎使教田三辅也土长冒橛者谓置橛以候土【侍郎按汉书注云议郎】

始雨水注汉始以雨水为二月节 疏汉初惊蛰为正月中雨水为二月节至后来事稍变改故律历志云雨水为正月中惊蛰为二月节由气有参差故也

省圜圉注圜圉所以禁守系者若今别狱矣桎梏今械也 疏崇精问曰狱周曰圜土殷曰羑里夏曰均台圜圉何代之狱焦氏答曰月令秦书则秦狱名也汉曰若卢魏曰司空是也

日夜分疏马融曰书有五十刻夜有五十刻据日出入为限蔡邕以为星见为夜日入后三刻日出前三刻皆属昼昼有五十六刻夜有四十四刻郑康成注尚书云日中星以为日见之漏五十五刻不见之漏四十五刻与蔡较一刻也大畧亦同

大合乐注其礼亡今天子以大射郡国以乡射礼代之命大尉注三王之官有司马无大尉秦官则有大尉今俗人皆云周公作月令未通于古
疏俗人谓贾逵马融之徒皆云月令周公所作故王肃用焉

为来岁受朔日注秦以建亥之月为岁首于是岁终使诸侯及乡遂之官受此法焉

命大史衅 防注周礼 人上春衅 谓建寅之月也秦以其岁首使大史衅 防与周异矣
疏秦以孟冬为岁首谓建亥月

大饮烝注其礼亡今天子以燕礼郡国以乡饮酒礼代之

腊先祖五祀

左传虞不腊矣正义月令孟冬腊门闾及先祖五祀腊之见于传记者唯月令与此二文而已秦本纪惠王十二年初腊始皇三十一年更改腊曰嘉平蔡邕独断云腊者岁终大祭纵吏民宴饮非迎气故但送不迎应劭风俗通云案礼传夏曰嘉平殷曰清祀周曰大蜡汉改曰腊腊者猎也田猎取兽祭先祖也此言虞不腊矣明当时有腊祭周时腊与大蜡各为一祭言汉改曰腊不蜡而为腊耳

征鸟注题肩也齐人谓之击征

大射仪注齐鲁之间名题肩为正

曾子问公馆注若今县官宫也 疏鲍遗问曰注此云公所为君所命使舍己者注杂记云公所为若今离宫别馆也是二說异何张逸答曰公馆若今停待者也离宫是也聘礼曰卿馆于大夫大夫馆于士公命人使馆客亦云所为也

文王世子内竖之御者注御如今小史直日矣

春官释奠于其先师注若汉礼有高堂生乐有制氏诗有毛公书有伏生亿可以为之也疏皆汉书儒林传文亿是发语之声

成均注董仲舒曰五帝名太学曰成均则虞庠近是也

疏春秋繁露云成均为帝之学

礼运蜡賔释文夏曰清祀殷曰嘉平周曰蜡秦曰腊吾得夏时焉注其书存者有小正

吾得坤干焉注其书存者有归藏 疏先言坤者熊氏云殷易以坤为首故先坤后干

崇文总目归藏隋志有十三篇今但存初经齐母本着三篇

耐以天下为一家注耐古能字俗书世异古字时有存者则亦有今误矣 疏案說文云耐者须也须谓厮下之毛象形字也古者犯罪以髡其须谓之耐罪故字从寸寸为法也不亏形体犹堪其事故谓之耐汉书惠帝纪中具有其事古之能字为此耐字取堪能之义后来乃假借鼈三足为能今书或有作耐字者此耐以天下为一家及乐记云人不耐无乐仍作耐字是古字时有存者亦有误不安寸直作而字则易屯彖利建侯而不宁及刘向說苑能字皆为而也郑注乐记耐古能字后世变之此独存焉古以能为三台字两注虽异其意同也

还相为宫注终于南吕更相为宫凡六十也 疏诸本及定本多作终于南事则是京房律法

礼器枌禁注禁如今方案隋长局足高三寸 疏案汉礼器制度而知【隋他果反】

门外缶门内壶君尊瓦甒注壶大一石瓦甒五斗 疏汉礼器制度文也

或素或青注变白黑言素青者秦二世时赵高欲作乱或以青为黑黑为黄民言从之至今语犹存也 疏即鹿马之类也

经礼三百曲礼三千注经礼谓周礼也周礼六篇周官有三百六十曲犹事也事礼谓今礼也礼篇多亡本数未闻其中事仪三千

疏汉孝文帝时求得周官不见冬官一篇乃使博士作考工记补之

郊特牲明酌也注明酌者事酒之上也名曰明者事酒今之醴酒皆新成也
疏古之事酒正是汉之醴酒

内则纷帨注纷帨拭物之巾也今齐人有言纷者笄注笄今簪也

滌滌注秦人溲曰滌齐人滑曰滌

敦牟注牟读曰整释文齐人呼土釜为牟
疏敦则周礼有玉敦今之桮孟也隐义曰整土釜也今以木为器象土釜之形

介妇注虽有勤劳不敢掉髻
疏庾氏云齐人谓之差讦崔氏云北海人谓相激之事为掉髻隐义云齐人谓相绞讦为掉髻

三牲用藟注藟煎茱萸也汉律会稽献焉 疏贺氏云今蜀郡作之九月九日取茱萸折其枝连
其实广长四五寸一升实可和十升膏名之藟也

鱼去乙注今东海鲙鱼有骨名乙在目旁状如篆乙食之鲙人不可出

麋鹿鱼为菹注今益州有鹿 者近由比为之矣【 于伪反】疏益州人有将鹿肉畜之
烂谓之鹿

与稻米为醢注狼臠膏臠中膏也以煎稻米则似今膏 矣此周礼醢食也【 之然反又音
赞】疏汉时膏 以膏煎稻米郑举时事以説之

玉藻摛琕注相玉书曰琕玉六寸明自炤

纁緼注纁谓今之新绵也緼谓今纁及旧絮也

而素带终辟大夫素带辟垂士练带率下辟注而素带终辟谓诸侯也诸侯不朱里合素为之
如今衣带为之下天子也大夫亦如之率练也士以下皆褌不合而絰积如今作幪为之也

凡君召以三节注今汉使者拥节

明堂位副祎注副首饰也今之步摇是也 疏副是首饰以其覆被头首汉之步摇亦覆首

疏屏注屏谓之树今浮思也刻之为云气虫兽如今阙上为之矣 疏汉时谓屏为浮思故云今
浮思解者以为天子外屏人臣至屏俯伏思念其事案匠人注云城隅谓角浮思也汉时东阙

浮思灾以此诸文参之则浮思小楼也故城隅阙上皆有之然则屏上亦为屋以覆屏墙故称屏曰浮思或解屏为阙也古诗云双阙百余尺则阙于两旁不得当道与屏别也

大路殷路也注大路木路也汉祭天乘殷之路今谓之桑根车也

簠虚注垂五采羽于其下树于簠之角上 疏案汉礼制度而知也

褐豆注齐人谓无髮为秃褐

大传系之以姓而弗别注系之弗别谓若今宗室属籍也
疏汉之同宗有属籍则周家系之以姓是也

少仪籥注籥如笛三孔 疏案汉礼器知之

学记扞格注格读如冻 之 疏今人谓地坚为 乐记不殪注今齐人语有殪者

治乱以相注今齐人或谓糠为相

讯疾以雅注雅亦乐器名也状如漆箛中有椎 疏以汉时制度而知也

防大记食粥于盛注盛谓今时杯杆也

紃注紃以组类为之缀之领侧若今被识矣 疏领为被头侧谓被旁识谓记识

画翬注汉礼翬以木为筐广三尺高二尺四寸方两角高衣以白布画者画云气其余各如其象柄长五尺

鱼跃拂池注以铜为鱼县于池下 疏亦参汉之制度而知也

大夫士以咸注今齐人谓棺束为緘绳

杂记使某实注实当为至此读周秦之人声之误也素沙注素沙若今纱縠之帛也六服皆袍制不褫以素纱里之如今袷袍褫重縗也
疏袍制谓通衣裳有表有里似袍汉时有袷袍其袍下之褫以里縗为之

蜺衣裳注若今大防也

公馆者公宫与公所也注公所为君所作离宫别馆也

有司官陈器皿注器皿其本所賫物也律弃妻卑所賫【卑必利反】

束五两注今谓之匹犹匹偶之云与

紃以五采注紃施诸缝中若今时绦也

祭法七祀五祀注司命与厉其时不着今时民家或春秋祠司命行神山神门户灶在旁是必春祠司命秋祠厉也或者合而祠之山即厉也民恶言厉巫祝以厉山为之谬乎疏汉时人民嫌恶厉巫祝之人意以厉神是厉山氏之鬼为之

七庙疏其主之制案汉仪高帝庙主九寸前方后圆围一尺后主七寸

春秋正义卫次仲云右主八寸左主七寸广厚三寸穿中央达四方也范甯云天子主长尺二寸诸侯主长一尺也白虎通云纳之西壁

大夫以下成羣立社曰置社注大夫不得特立社与民族居百家以上则共立一社今时里社是也郊特牲曰唯为社事单出里郊特牲疏周法百家以上得立社其秦汉以来虽非大夫民二十五家以上则得立社故云今之里社又郑志云月令命民社谓秦社也自秦以下民始得立社也

中庸栽者培之注今时人名草木之殖曰栽筑墙立板亦曰栽

壹戎衣注衣读为殷声之误也齐人言殷声如衣虞夏商周氏者多矣今姓有衣者殷之胄与

仁者人也注人也当读如相人偶之人以人意相存问之言

緇衣其出如纶注纶今有秩嗇夫所佩也疏案汉百官公卿表十里一亭十亭一乡乡有三老有秩嗇夫汉书云张敞以乡有秩补太守卒史朱邑为桐乡嗇夫续汉百官表乡置有秩郡所置其乡小者县所署嗇夫案此有秩嗇夫职同但随乡大小故名异耳名虽异其所佩则同张华云纶如宛转绳

后汉仲长统传身无半通青纶之命注十三州志曰有秩嗇夫得假半章印续汉舆服志曰百石青绀纶一采宛转缪织长丈二尺説文纶青丝绶又尔雅注云纶今有秩嗇夫所带纠青丝纶

资冬祈寒注资当为至齐鲁之语声之误也祈之言是也齐西偏之语也

周田观文王之德注古文为割申劝宁王之德今博士读为厥乱劝宁王之德三者皆异古文似近之

问防鸡斯注当为笄纚今时始防者邪巾貂头笄纚之存象也

深衣续衽钩边注钩边若今曲裾也 疏郑以后汉之时裳有曲裾故以续衽钩边似汉时曲裾
今时朱衣朝服从后汉明帝所为则郑云今曲裾者是今朝服之曲裾也

尔雅裳削幅谓之黻注削杀其幅深衣之裳

曲袷如矩以应方注古者方领如今小儿衣领

疏郑以汉时领皆向下交垂故云古者方领似今拥咽故云若今小儿衣领但方折之也

乡饮酒义注谓之乡者州党乡之属也或则乡之所居州党乡大夫亲为主人焉如今郡国下
令长于乡射饮酒从太守相临之礼也 疏谓郡治之下及王侯有国治之下满万户以上之令
不满万户之长于己县或射或饮酒则从郡之太守及主国之相来自行礼相监临之仪不用
令长礼也令长射而饮酒似州长党正也太守与相来监临似乡大夫监临也

射义诸侯岁献贡士于天子注岁献献国事之书及计偕物也

疏汉时谓郡国送文书之使谓之为计吏其贡献之物与计吏俱来故谓之计偕物也偕俱也

表记衣服以移之注移读如水汜移之移【昌氏反】移犹广大也

汉制攷卷三

汉制攷卷四

宋王应麟撰

诗

小星抱衾与褊笈褊牀帐也疏汉世名帐为褊盖因于古郑志今人名帐为褊

愿言则笈今俗人云人道我此古之遗语也泾以渭浊注泾渭相入而清浊异疏汉书沟洫志云泾水一石其泥数斗潘岳西征赋云清渭浊泾是也

方之舟之注舟舩也疏舟者古名也今名舩易曰利涉大川乘木舟虚注云舟谓集板如今自空大木为之曰虚即古又名曰虚总名皆曰舟

副笄六珈笈珈之言加也副既笄而加饰如今步摇上饰古之制有所未闻疏步摇副之遗象故可以相类也古今之制不必尽同故言古之制有所未闻以言六珈必饰之有六但所施不可知

渐车帷裳笈帷裳童容也疏巾车云重翟厌翟安车皆有容盖郑司农云容谓檐车山东谓之裳帋或曰童容以帋障车之傍如裳以为容饰故或谓之帋裳或谓之童容其上有盖四傍垂而下谓之檐故杂记曰其轸有褊注云褊谓鼈甲边緣是也然则童容与檐别司农云谓檐车者以有童容上必有檐故谓之檐车也

适子之馆兮笈卿士所之之馆在天子之宫如今之诸庐也

方秉藺兮注藺兰也疏泽兰广而长节节中赤高四五尺汉诸池苑及许昌宫中皆种之可着粉中藏衣著书中辟白鱼

齐子岂弟笈岂读当为閭弟古文尚书以弟为圉圉明也疏古文尚书即今郑注尚书是也无一以悌为圉之字唯洪范稽疑论卜兆有五曰圉注云圉者色泽光明盖古文作悌今文作圉贾逵以今文较之定以为圉故郑以贾氏所奏从定为圉于古文则为悌

有鸛萃止疏汉供御物各随其时唯鸛冬夏尚施之以其美故也

刺朝廷之不知疏汉魏称人主或云国家或言朝廷古今同也

烝然汕汕注汕汕櫟也笈櫟者今之撩罟也

锡我百朋笈古者货贝五贝为朋疏汉书食货志大贝牡贝么贝小贝不成贝为五小贝以上

四种各二贝为一朋而不成者不为朋王莽多举古事而行五贝

搏兽于敖笈敖郑地今近荥阳

田畯至喜笈田畯司嗇今之嗇夫也

疏田畯田官在田司主稼穡故谓之司嗇汉世亦有此官谓之嗇夫故言今之嗇夫也

既种既戒笈至孟春土长冒櫛陈根可防而事之 疏出于农书

邪幅在下注幅偃也笈邪偃如今行滕也偃束其胫自足至膝故曰在下 疏左传曰带裳幅舄内则亦单云偃则此服名偃而已杜郑皆云今之行滕然则邪纏于足谓之邪幅

酌言醕之笈主人既卒酢爵又酌自饮卒爵复酌进賓犹今俗人劝酒

疏俗人亦先自饮而后劝人

韩奕笈梁山今左冯翊夏阳西北 疏汉于长安畿内立三郡谓之三辅京兆在中冯翊在东扶风在西外郡之长谓之太守此三辅者谓之京兆尹左冯翊右扶风左右犹外郡之名太守也计此止须言冯翊耳不须言左但汉书称冯翊扶风之人皆并言左右故郑亦连言左范晔后汉书始于冯翊扶风之人不言左右

召旻彼疏斯粃笈米之率粃十粃九凿八侍御七

疏九章粟米法云粟率五十粃米三十粃二十七凿二十四侍御二十一

鞀磬祝圉疏臯陶谟云合止祝敌注云祝状如漆箛中有椎合之者投椎于其中而撞之敌状如伏虎背上刻之所以止鼓谓之止释乐云所以鼓祝谓之止所以鼓敌谓之鼈郭璞云祝如漆箛方二尺四寸深一尺八寸中有椎柄连底捫之令左右击止者其椎名也敌如伏虎背上有二十七鉏鋸刻以木长尺栝之鼈者其名也此等形状盖依汉之大予乐而知之柎箎圉敌古今字耳

箫管备举笈箫编小竹管如今卖 者所吹也管如簃并而吹之

疏卖 之人吹箫以自表也史记称伍子胥鼓腹吹箫乞食呉市亦为自表异也

侯彊侯以笈以谓闲民今时佣赁也

以开百室笈百室者出必共洫间而耕入必共族中而居又有祭酺合醪之欢 疏族师职云春秋祭酺注云酺者为物灾害之神也古书酺为步因此祭酺聚钱饮酒故后世听民聚饮皆谓之酺汉书每有嘉庆令民大酺五日是其事也

允犹翥河笈河自大陆之北敷为九 疏郑志答张逸云钜鹿今名广河泽然则河从广河之北

分为九也禹贡兖州九河既道郑注云九河之名徒骇太史马颊覆釜胡苏简絜钩盘鬲津周时齐桓公塞之为为一今河间弓高以东至平原鬲津往往有其遗处焉郑以古之九河皆在兖州之界于汉乃冀州域耳

思乐泮水笺辟雍者筑土雍水之外圆如璧四方来观者均也疏辟雍之宫内有馆舍外无墙院也后汉书明帝正坐自讲诸儒问难于前冠带搢绅之人圜桥门而观听者盖亿万计是由外无墙院故得圜门观之也

牺尊将将注牺尊有沙饰也疏春官司尊彝作献尊郑司农云献读为牺牺尊饰以翡翠象尊以象凤凰或曰以象骨饰尊此传言牺尊者沙羽饰与司农饰以翡翠意同则皆读为娑传言沙即娑之字也阮湛礼图云牺尊饰以牛象尊饰以象于尊腹之上画为牛象之形王肃云将将盛美也大和中鲁郡于地中得齐大夫子尾送女器有牺尊以牺牛为尊然则象尊尊为象形也王肃此言以二尊形如牛象而背上负尊皆读牺为羲与毛郑义异

自彼氐羌笺氐羌夷狄国在西方者也疏氐羌之种汉世仍存其居在秦陇之西

书

科斗书废已久正义亡新使甄丰较定六书一曰古文孔子壁内书也孔子壁内古文即苍颉之体故郑云书初出屋壁皆周时象形文字今所谓科斗书以形言之为科斗指体即周之古文若于周时秦世所有至汉犹当识之不得云无能知者

尧典正义刻漏汉初率九日增减一刻和帝时待诏霍融始请改之古时真历遭战国及秦而亡汉存六历虽详于五纪之论皆秦汉之际假托为之实不得正

舜典玑衡正义玑为运转衡为横箫运玑使动于下以衡望之是王者正天文之器汉世以来谓之浑天仪者是也蔡邕天文志云言天体者有三家一曰周髀二曰宣夜三曰浑天宣夜绝无师说周髀术数具在考验天象多所违失故史官不用惟浑天近得其情今史所用候台铜仪则其法也宣帝时耿寿昌始铸铜为之象史官施用焉后汉张衡作灵宪以说其状史记索隐益部耆旧传云落下闳待诏太史于地中转浑天

六宗正义续汉书云安帝元初六年立六宗祠于洛阳城西北亥地祀比大社

金作赎刑注黄金正义此传黄金吕刑黄铁皆是今之铜也古之赎罪者皆用铜汉时改用黄金但少其斤两令与铜相敌后魏以金难得合金一两收绢十匹今律复依古赎铜

程氏曰汉世以金价计赃故谓十金法重不忍相暴章

益稷祝敔搏拊正义祝敔之状经典无文汉初以来学者相传皆云祝如漆桶中有椎柄敔如

伏虎背上有刻汉礼器制度及白虎通其說皆为然 拊形如鼓以韦为之实之以糠击之以节乐汉初相传为然

禹贡壶口梁岐正义高祖入咸阳萧何先收图籍则秦焚诗书图籍皆在孔君去汉初七八十年耳身为武帝博士必当具见图籍其山川所在必是验实而知壶口在冀州梁岐在雍州当时疆界为然也

既修太原注高平曰太原今以为郡名 正义即平阳县

岛夷正义孔读鸟为岛是海中之山九章算术所云海岛邈絕不可践量是也

黑水正义地理志益州郡故滇王国也武帝元封二年始开为郡郡内有滇池县县有黑水祠

五子之歌六马正义经传之文惟此言六马汉世此经不传余书多言驾四者春秋公羊說天子驾六毛诗說天子至大夫皆驾四许慎案王度记云天子驾六郑 以周礼校人养马一师四圉四马曰乘康王之诰云皆布乘黄朱以为天子驾四汉世天子驾六非常法也

石庆为太仆御出上问车中防马庆以防数马毕举手曰六马

夏社正义汉世儒者說社稷有二左传说社祭勾龙稷祭柱弃惟祭人神而已【是孔之所用】孝经說社为土神稷为谷神勾龙柱弃是配食者也【是郑之所从】

咸有一德七世之庙正义王肃等以受命之王是初基之王故立四庙庶子王者谓庶子之后自外继立虽承正统之后自更别立己之高祖已下之庙犹若汉宣帝别立戾太子悼皇考庙之类也

微子今殷民乃攘窃神只之牺牲牲用注盗天地宗庙牲用
正义汉魏以来着律皆云敢盗郊祀宗庙之物无多少皆死为特重故也

泰誓正义汉书娄敬說高祖云武王伐纣不期而会盟津之上者八百诸侯伪泰誓有此文不知其本出何书也武帝时董仲舒对策云书曰白鱼入于王舟有火复于王屋流为乌周公曰复哉复哉今引其文是武帝之时已得之矣

牧誓羌髳微注羌在西蜀髳微在巴蜀 正义左思蜀都赋云三蜀之豪时来时往是蜀都分为三羌在其西故云西蜀髳髳者蜀夷之别名巴在蜀之东偏汉之巴郡所治江州县也

后汉兴平元年马腾刘范谋诛李傕益州牧刘焉遣髳兵助之是蜀夷有名髳者也

武成正义汉书律历志引武成篇与此经不同彼是焚书之后有人伪为之汉世谓之逸书后

又亡其篇

召诰攻位于洛汭注治都邑之位于洛水北今河南城也
正义汉书地理志河南郡治在洛阳县河南城别为河南县

成王既伐东夷注海东诸夷驹丽扶余豢貊之属正义此皆于孔君之时有此名汉书有高驹
丽扶余韩豢即彼韩也

费誓淮夷徐戎注此戎夷帝王所羈縻统绪故错居九州之内秦始皇逐出之
正义汉时内地无戎夷者秦始皇逐出

吕刑输而孚注谓上其鞠劾文辞 正义汉世问罪谓之鞫断狱谓之劾

善敕乃甲冑注甲铠冑兜鍪 正义经典皆言甲冑秦世已来始有铠兜鍪之文古之作甲用皮
秦汉已来用铁铠鍪二字皆从金蓋用铁为之因以作名

我惟筑注攻敌垒距堙之属 正义兵法攻城筑土为山以闚望城内谓之距堙

毕命正义汉书律历志云毕命丰刑曰惟十有二年六月庚午肫王命作策书丰刑此伪作者

冏命大仆正正义与君同车最为亲近故春秋随侯宠少师以为车右汉书文帝爱赵同命之
为御

康诰正义周官隣保以比伍相及而赵商疑而发问郑答云周礼太平制此为居殷乱而言

今案康诰所云以骨肉之亲得相容隐故左传云父子兄弟罪不相及周礼所云据疎人相督
率之法以相连获罪故今之律令大功已上得相容隐以其罪有相及是也

盐铁论文学曰自首匿相坐之法立骨肉残废而刑罪多

论语

服周之冕正义阮谿三礼图汉礼器制度云冕制皆长尺六寸广八寸天子以下皆同沈引董
巴輿服志云广七寸长尺二寸应劭汉官仪云广七寸长八寸沈又云广八寸长尺六寸者天
子之冕广七寸长尺二寸者诸侯之冕广七寸长八寸者大夫之冕但古礼残缺未知孰是司
马彪汉輿服志云孝明帝永平二年初诏有司采周官礼记尚书之文制冕皆前圓后方朱里
上前垂四寸后垂三寸天子白玉珠十二旒三公诸侯青玉珠七旒卿大夫黑玉珠五旒皆
有前无后此则汉法耳

传不习乎释文郑注云鲁读传为専今从古案【阙】周之本以齐古读正凡五十事郑本或无此注者

然皇览引鲁读六事则无者非也

寝衣孔曰今之被也

孟子

孝文欲广游学之路论语孝经孟子尔雅皆置博士后罢传记博士独立五经而已
刘歆曰天下众书往往颇出皆诸子传说犹广立于学官为置博士

人皆谓我毁明堂注谓泰山下明堂本周天子东巡狩朝诸侯之处也

太誓曰我武惟扬注太誓古尚书百二十篇之时太誓也今之尚书太誓篇后得以充学故不与古太誓同诸传记引太誓皆古太誓也

事舜于畎畝之中注孟子时尚书凡百二十篇逸书有舜典之叙亡失其文孟子诸所言舜事皆尧典及逸书所载

皆去其籍注今周礼司禄之官无其职是则诸侯皆去之故使不复存也

庶人在官者注食禄之等差由农夫有上中下之次亦有此五等若今之斗食佐史除吏也

国语

祭公谋父曰日祭注日祭祭于祖考谓上食也近汉亦然

土乃脉发注农书曰春土冒橛陈根可拔耕者急发律所以立均出度也注均者均钟木长七尺有一系之以均钟者度钟大小清浊也汉大予乐官有之

宗室之谋不过宗人注此宗人则上宗臣也亦用同姓若汉宗正用诸刘矣

被羽先升注羽鸟羽系于背若今军将负旄矣

执枹鼓立于军门注军门立旌为门若今牙门矣屏摄之位注屏屏风也摄形如今要扇皆所以分别尊卑为祭祀之位近汉亦然【左传巡羣屏摄注祭祀之位正义郑众云摄束茅以为屏蔽】

盟于宋候遮扞衛不行注候候望遮遮罔也昼则候遮夜则扞衛扞衛谓罗闳狗附也张罗闳去垒五十步而陈周军之前后左右彊弩注矢以谁何谓之罗闳又二十人为曹辈去垒三百步畜犬其中或视前后或视左右谓之狗附皆昏而设明而罢候遮二千人居狗附处以视听候望明而设昏而罢

右执殤宫注若今世云能使殤也

巴浦之犀犛兕象注今象出徼外其三兽则荆交有焉亿丑注十万曰亿古数也今人乃以万万为亿

追而予之玺书注古者大夫之印亦称玺【左传正义蔡邕独断云玺印也信也天子玺白玉螭虎纽古者尊卑共之衛宏云奉以前民皆以金玉为印唯其所好自秦以来唯天子之印独称玺又以玉羣臣莫敢用也】

赵语夫差衣水犀之甲者亿有三千注所谓贤良也若今备衛士

公羊春秋

隱元年会犹最也注最之为言聚若今聚民为投最如勿与而已矣注如即不如齐人语也

二年无闻焉尔注春秋其說口授相传至汉公羊氏及弟子胡毋生等乃始记于竹帛故有所失也

昉于此乎注昉适也齐人语

五年登来之也注登读言得来得来之者齐人语也齐人名求得为得来作登来者其言大而急由口授也

百金之鱼注百金犹百万也古者以金重一斤若今万钱矣

桓二年累也注齐人语也 五年防也注防者狂也齐人语

七年焚之者何樵之也注樵之齐人语 六年化我也注行过无礼谓之化齐人语也

庄十二年注脰颈也齐人语 二十年注瘠病也齐人语也 二十八年伐者为客注伐人者为客读伐长言之齐人语也伐者为主注见伐者为主读伐短言之齐人语也

三十一年漱浣注无垢加功曰漱去垢曰浣齐人语也

僖元年注辘小车轅冀州以北名之云尔

十年踊为文公讳也注踊豫也齐人语若关西言浑矣 三十三年诈战注诈卒也齐人语也

文十三年往党注党所也所犹时齐人语也
十五年筭将而来注筭者竹篴一名编輿齐鲁以北名之曰筭

宣六年荷畚注畚草器若今市所量谷者是也齐人谓之钟

膳宰注主宰割杀牺者若今大官宰人

成二年踊于楅而窥客注凡无高下有絶加蹶板曰楅齐人语
十五年鲁人徐伤归父之无后也注徐者皆共之辞也关东语

襄五年往殆乎晋注殆疑疑讫于晋齐人语

十六年君若赍旒然注若今俗名就堦为赍堦矣三十年更宋之所防注如今俗名解浣衣复之为更衣昭二十五年再拜颡注颡者犹今叩头矣

定元年不蓑城注若今以草衣城是也

哀六年于诸其家注于诸置也齐人语也

十二年用田赋注若今汉家敛民钱以田为率矣

說文

汉律曰祠防司命【防卑履切以豚祠司命】

汉律会稽献 一斗【鱼既切煎茱萸】

汉令曰□张百人【车者切距也】

□汉令鬲从瓦 声

汉令曰蛮夷长有罪当殊之

汉律令箠小筐也

汉律能捕豺貉购百钱

汉律会稽郡献鲑酱三斗【蚌也巨乙切】

汉律曰妇告威姑

□籀文繒扬雄以为汉律祠宗庙丹书告

汉律民不繇费钱二十二

汉律曰绮丝数谓之紼【治小切】布谓之总绶组谓之首汉律曰繳田苾艸

汉律曰及其门首洒防

汉令蚩夷卒有□【相主切絆前两足也】

汉令解衣耕谓之襄

汉律曰赐衣者纁表白里

汉律名舩方长为舩舩

汉律齐人予妻婢奸曰姘【左传注汉律淫季父之妻曰报】

汉律曰见姘变不得侍祠

乐浪挈令织从糸从式【臣 等曰挈令蓋律令之书也】

尉律学僮十七已上始试讽籀书九千字乃得为吏又以八体试之郡移太史并课最者以为尚书史书或不正辄举劾之【徐锴曰尉律汉律篇名】

明堂月令 鸟至之日祠于高禩 季夏烧雉 数将饑终 舩人习水 酎三重醇酒也明堂月令曰孟秋天子饮酎

对或从土汉文帝以为责对而为言多非诚对故去其口以从土也

秦汉之初侍中冠黼黻冠

汉中有胸防县地下多此虫因以为名

符信也汉制以竹长六寸分而相合

古者货贝而寶 周而有泉至秦废贝行钱

秦以罪为皐字【秦以皐似皇字改为罪】

汉令有髡长

秦谓民为黔首黑色也周谓之黎民

汉有捇马官作马酒

后汉长沙王始煮艸为防

东齐堦谓之倩

今俗以始生子为鼻子

今逐疫有防头

祆胡神也 僧浮屠道人也 塔西域浮屠也

律历书名五星为五步

洛阳名弩曰弮

防改大刚卯以逐精鬼

【阙二字】 名引弓控

爽召公名史篇名丑【徐锴曰史篇所作苍颉十五篇也】

安定朝那有湫泉

今盐官入水取盐为掇

鷩走鸣长尾雉也乘輿以为防鉞着马头上

角 状如豕角善为弓出胡休多国

羌人所吹角屠□以惊马也 羌笛三孔

颍川人名小儿所书写为箒

古者玉琯舜之时西王母来献其白琯前零陵文学姓奚于伶道舜祠下得笙玉琯夫以玉作音故神人以和鳳皇来仪也

秘书□从戌 秘书説日月为易象陰阳也

扬雄説以为古理官决罪三日得其宜乃行之从晶从宜亡新以为叠从三日太盛改为三田

郁鬯百草之华遠方郁人所贡芳草合酿之以降神郁今郁林郡也

檣柔木也工官以为要轮

楮柱砥古用木今以石

櫺 目酒尊刻木作云雷象

蜀人闻子騫鸣皆起云望帝

春分而禾生日夏至晷景可度禾有秒秋分而秒定律数十二秒而当一分十分而寸其以为重十二粟为一分十二分为一铢故诸程品皆以禾

十发为程一程为分十分为寸

布之八十缕为稷五稷为秭二秭为秬

右扶风有五時好時鄜時皆黄帝时祭或曰秦文公立也

司马相如説淮南宋蔡舞嘽喻也

鹽河东盐地袤五十一里广七里周百十六里

安定有鹵县东方谓之防西方谓之鹵

鄆河东临汾地即汉之所祭后土处

农谓帮帔也

幪南郡蛮夷賁布

幡书儿拭觚布也

今盐官三斛为一希【居倦反】

中妇人手长八寸谓之咫周尺也

頽太史卜书頽仰字如此

顛南山四顛白首人也

螽会稽山一曰九江当螽也民以辛壬癸甲嫁娶甘氏星经曰太白上公妻曰女嬃【女嬃居南斗食厉天下祭之曰明星】冬至后三戌腊祭百神

【阙】皮有【阙】出乐浪车【阙】神爵四年初捕收输考工腰楚俗以二月祭饮食也一曰析谷食新曰离腰周制天子地方千里分为百县县有四郡故春秋传曰上大夫受郡是也至秦初置三十六郡以监其县

周景王作洛阳諠台【尺氏切】

扬雄赋响若氏隤【承防切】

葦貉中女子无袴以帛为胫空用絮补核名曰縛衣状如防防

召上书者汝南许冲诣左掖门防令并赍所上书十月十九日中黄门饶喜已诏书赐召陵公乘许冲布四十匹即日受诏朱雀掖门敕勿谢

汉制攷卷四